

紅緯堂詩集



序

肇余先生天性孝友立朝以清謹聞且守身如玉吹氣如
蘭每對其人讀其書又如飲醇醪而坐春風也夫抵溫厚
和平詩人之體具備矣辛酉上元偶以近稿見貽予既於
燈底讀之復於齋宿公署之日再讀之一字一句都從溫
厚和平中來而一段忠愛之至情宛宛溢於紙上蓋得於
少陵家法者深矣先生學力方新詩格日進予遲暮之人
安能窺其涯際惟有敬服而已同學弟魏象樞識

經緯堂詩集目錄

卷一

大閱恭紀

孟夏

駐蹕瀛臺應制

奉和紀

賜蓮藕

蚤朝太和殿

秋鴈

己酉元旦早朝太和殿

賜宴諸王大臣及文武羣

工恭紀

西苑侍從

送沈子相之任樂城

秋日祖將軍園亭同李湘北陳說巖以秋水席邊多

為韻賦五言古體五首

上幸西苑 賜宴羣臣泛舟賞新荷恭紀

出獵二首

太學集諸生演禮

率太學諸生午門領賞

上幸太學釋奠先師御彝倫堂命蒲漢司成坐講周

易乾卦尚書堯典 賜宴并蟒服寶鈔有差恭紀

視學後 賜宴禮部 賜蟒服午門恭紀

咏新燕 送同年吳國對給假還葬

白鳥二首

螺浮張給諫特恩召還夢得十年霜雪之句一時同

志和者如林率就二律贈之

冬夜同閣學富雲麓同官楊爾茂給諫王北山讀學

李湘北閣學陳說巖家孟侍講子靜餞別掌詹王

子言假省歸侍

次寶坻先生歲况三首

燈節五首次寶坻先生韻

入直記注即事

酬和張華平夫子寄懷韻

仲冬八日 上特賜漢講官八員貂裘并羊皮衣素

全緞各一令其自製以示優異恭紀二律

史館入直蒙 恩特遣中使 賜瓜一盤恭紀

十二月初四日 頒賜鹿魚恭紀

題乘槎圖二首 濟北古南池

漂母祠三首 道經淮揚大水

七夕 宿東瑤禪院

述懷二首 題何菴羅漢松

中元哭先祖母三首

詠飛青禪院梅花贈上人品如二首

登吳山曠然樓二首

同宋臬憲王子荆林鐵崖曹秋嶽勞書升遊汪園
同權使高鏡亭遊楊氏園亭觀梅

晚晴二首

辛亥元旦早朝太和殿 賜宴百官恭紀

送高平田夫子簡任兩浙巡撫

送張夫子督學八閩 贈同年吳耕方

上躬耕藉田侍直恭紀

萬壽節羣臣行慶賀禮恭紀

九日過孫北海先生齋頭同顧寧人同年張幹臣同

館衛爾錫留飲

送陳憲生南還次寶坻中堂韻

送屠昭仲南還却酬和原韻

賀熊青嶽特簡端揆

奉和寶坻相公寄懷陳憲生原韻

賦得威鳳篇送柯岸初歸養

挽忠愍公陳提督 題辰六越生借書圖

卷二

扶櫬至張灣登舟兼留別故鄉親友

經青縣

夜泊興濟

滄州夜月

泊磚河驛

薛家灣

泊頭行

步 先大夫經劉摯故里元韻

阻風十五里口二首 過桑園

泊夾馬營步 先大夫韻

武城道中逢 先大夫生忌

莞爾堂二首 次渡口

上閘行

次聊城并望傅相國故園有感

駭牝行

舟中逢 先大夫百日之期

鄭家口食梨

柿船

阿井

咏梳燈

挂劍臺

袁口寓目

開河道中觀農家收穫

古南池

赤山

留侯墓

渡駱馬湖

下閘行

河決孫家蕩過淺停舟有作

澄泥硯

白洋河二弟靜公同君韜二兄胡子蘭珮遠來迎柩

志感

露筋廟

贈維揚權使滕梅羹

錢塘晚泊

富春道中

過桐溪

釣臺

古睦州

七里灘

觀音石閣

贈盛寓庸廣文永康

題蘭譜

步先大夫登吳山原韻

登斗母閣次韻

五林頭

漫興

學繡塢

蟋蟀二首

題張匡九沙鷗割股療母傳後

過金明寺訓答古燈上人

送徐六符廣文之任括蒼

贈兩浙臬臺王印周

芙蓉石贈權使張麟圖

贈儲憲蔣亮工二首

贈督府李鄴園

題周石松小照二首

次韻訓答楚黃孝廉張師石

野望

河干新月次韻

懷角里先生次韻

煙雨樓懷古

南湖

卷三

賦得青谿合冥漠次韻

姑蘓懷古

隔岸高燈次韻

錫山道中添丁志喜

贈京口楊大將軍

候風

登臺兒庄

言懷

大風碑

望岱宗

過南旺展拜宋康惠公祠

望蜀山湖次仲滌九韻

衛河道中

莞爾堂

衛河道中再賦次滌九韻

天津道中

平蜀凱歌次高陽夫子韻十首

慈仁行和鄭名世

威鳳篇贈總憲魏環極

題葡萄障子二首

送高念東少司寇 予告歸里

辛酉上元次寶坻相公韻四首

送查王望之任九江和大司馬宛平王夫子韻四首

賀大司成同年王阮亭

送少司寇馮再來歸葬赤城

康熙辛酉三月 上名扈從諸臣

賜觀湯泉應制

康熙二十年七月二十一日

上駐蹕瀛臺 名滿

漢大臣翰林科道及部郎五品以上官員各 頒

彩幣 特賜筵宴宴畢仍 賜菱藕恭紀三十韻

孤山

桃花寺

隨 駕恭謁 孝陵

雜興八首步高陽夫子韻

同梁蒼巖魏環溪朱右軍三先生暨同年王子言遊

雲鸞重興二寺四首

黃閣庄二首

望盤山

贈弋陽令譚左羽

送汪舟次冊封琉球

次寶坻相公原韻三首

送王文饒之任石阡

送華聲出守廬州

送少宗伯富雲麓

予假赴晉江

送大司寇魏環溪

予告歸蔚州四首

卷四

上因滇黔蕩平分遣部院諸臣告祭嶽瀆暨歷代陵

寢先期於禮部

頒發祭文香帛有差

廿一日出

都奉

命往山西趙城滎河致祭女媧

成湯二陵

盧溝道中

次涿鹿與少宗伯楊爾茂廷尉丞徐孟樞相對志喜

兼以語別

涇陽驛

堯母廟次壁間韻

次西樂驛和壁間韻

自真定渡滹沱河次獲鹿

井陘道中

度固關

次柏井驛雨雪

自平定至壽陽

過太安驛

次太原贈郡守李高齋

抵徐溝

賈令驛和壁間韻兼贈邑侯楊訥庵

過郭有道阡次介休邑侯金子翔原韻

介之推廟

靈石公署題紅拂三義祠步梁敷五先生原韻

霍山歌

臯陶廟次薛文清先生廟

過穆山

龍門行

榮河道中

次北解

沙河道中馬上口占

同李中丞登家山嶺望海

出雷州東門閱白鴿寨雙湖砲臺

防城道中

珠池

登廉州八字山砲臺

龍門

限門

電白登白蕉墩觀海

海墘雜興三首

北津

廣海衛

憶昔

新會

巨魚次吳制臺韻

瓊山次吳制臺韻

香山澳

同閣學石總制吳登鷄母澳

同閣學石制臺吳肩輿上達濠最高峯

謁昌黎祠次吳制臺韻 虎門

留別吳總制次原韻二首

雜興二首

南澳

八尺門

廈門

洛陽橋

楓亭驛

蒜嶺

鐘山

閩安鎮

連江道中

羅源道中

白石司

官嶺

桐山營

江上口占二首

紅門踏歌十二首

次韻奉和屠展馭之閩留別之作

秋日同徐敬可家循南聖陶遊雙林寺

次韻和周簞谷十二生肖詩

訓子姪次周簞谷二十八宿原韻

十二宮辰詩

同陳虎文遊捧日亭

陪祀祈穀恭紀

送許廉尹廷佐之任甘山

送口北道王人岳

瓶桃和色太僕

瓶桃飄落

咏芍藥次色罔卿韻

卷五

松陵晚泊

金昌懷古

馬鞍山

萃亭道中

皂墩橋

天馬山

鱒魚

蔣點

陡門夜泊

經皂林驛

石門道中

塘棲晚發

賦得連山雨未開

山房夜話贈吳給諫準菴次江潛老韻四首

苦吟次祝矜刪韻

自由拳抵武林宿鹿苑山房次矜刪原韻

和前韻七律四首

將抵禾城歸途中漫記

晚泊

咫尺園四首

香山林次昌黎炭谷湫韻

同舟聯句

石門聯句

詠煙

船硯

賦得天宇開清池

放舟聯句同祝矜刪

觀海

次韻訓張二袁同舟見贈

大行太皇太后輓辭六首次徐總憲韻

過東光縣和張二袁舟中清明

燈花次張二袁韻二首 歷亭阻風

詠風次韻

詠雪次韻

衛河道中

新月次韻

過武城次韻贈趙相如令尹

和張二袁賦白裏白二首

賦黃裏黃二首

阻閘次韻二首

溪柳次韻

蘭

白燕次韻

竹次韻

松次韻

梅次韻

月蝕次韻

戴家閘三首

贈任廷尉

桃次韻

石

蠟梅

李花次韻

光嶽樓次韻

蟹

春暮

金魚

告風伯二首

次壁間韻三首

贈楊艾田少司馬二首

卷六

短歌行追和少陵原韻送王近宸

傳經堂贈卓子火傳 蒼松圖

張立庵像贊四言四章章八句

題張銳五小照四言四章章四句

題沈子虞臣小照 次韻訓曹敬勝

過孫氏可園湖亭四首

次韻訓和沈虞臣見贈并以拜嘉

送楚撫吳銅川二首

題鄭少司寇小像三章章八句

上以雨澤愆期 命法司錄重囚有可矜疑者減等

免死軍流以下悉行放還恭紀二首

奉 命禱雨恭紀二首 送臨洮衛陳其策

送開平衛王天益 寄提督侯馬

題祝矜刪南村獨酌圖

訓和少司農鄭山公見贈之作次元韻

瀛臺 賜魚恭紀次韻 送登州知府任左庵

賀浙撫張敬止二首

送滇撫石綱庵 陞見還任

贈庶常李麗生封翁 贈重慶總戎鄭芝庵

送博雅令衡山太叔之任

送吳惠旃之任文安

送雲南鶴慶知府金培生之任

送施琢公靖海侯入覲南還

送吳伯成駐防大同 送守備劉秩謙之任大同

送臺灣協唐希順順秦人從大軍平定四川雲貴熟

悉西彝情形於其入覲南還因以贈之

和吳容大凝園雅集四首次原韻

送王謙谷之任青浦 送寧波別駕黃華灼

贈霸州牧沈元白

送屠孚駿南還次留別原韻二首

擬恭讀 御製乾清門聽政示部院諸臣詩

送廈門遊擊徐啓瑞 陛見南還

望恩亭二首次韻和王尚儒二首

元宵前三日過通政勞書升高齋杯茗間見繡祿中

新舉第二子以庚日生因名曰庚蓋太先生之所

命也次日口占一律和之

送春江協鎮錢辱谷入覲還粵并壽五十

送靖五協鎮阮爾中入覲還楚

卷七

聖武神功蕩平漠北饒歌鼓吹曲十二首

恭紀 大駕南巡七言近體十首

卷八

題昭慶僧行中小照次彭羨門韻

題人小照四言三章章八句

邵子登雲督運塞外事竣南還喜而賦之

賀桐城張大宗伯次郎廷玉列賢書

送廣州守戎蕭廣仁 贈真定守戎李晉璧

輓福建南安令宋煜 送同年屠芝庵之任盛京

賀閩提督吳六能

屠孚駿世兄自津門至都其令姪耳黃亦自南至寓

齋話舊分韻十首 賀新城張萃中入泮

送普度僧省愚歸南海

送閣學徐莘隱 予告歸里即次留別原韻四首

送廬鳳道李

送揚州郡守劉宗一次原韻四首

訓張敬復原韻兼答朱侍郎過寓攜小童鼓琴

凝園即事分韻 郊壇即事分韻

午日小集和屠耳黃韻

辛巳春日同沈岸先浦副工暨弟梯雲姪衛篁翰成

嗣昭男庭珠采山亭觀梅分韻

送曹廷玉北上

采山亭賞玉蘭紅杏分韻二首同錫山姪紫綸賦

贈金小郊 同顧書宣遊西湖二首

卷九集字詩

同蘓亮工翟岱麓集項眉山先生灌書堂詠丁香花
即席集字

預訂同館慈仁寺中看海棠花

擬得西園雅集

賦得此日此時人共得同前輩項眉山同館翟岱麓

集字二首

賦得授鉞親賢往二首

春日送朱不為南還

述懷

賦得鳴玉朝來散紫宸

春暮較士銓曹

萬柳堂

山人

庭榴同沈子相徐迪九馮寶初

感舊

喜雨同鄭元功宋吉言

賦得園日涉以成趣同鄭元功宋吉言

送鄭元功徐迪九南還

微雪同熊青嶽富雲麓王子言李湘北飲陳子端齋

中二首

雪夜飲熊院長齋頭二首

甲寅元旦早朝

夏夜同王北山子言張幹臣浦鷗盟於李湘北齋頭

詠新月

喜聞官軍破朝天關同王子言崔夏章史子修

早春偶集同高淡人近公侄

歲暮有懷

立春

九日

聞官軍克復岳州逆賊敗遁誌喜

春雪

海棠花

秋雨

重九後一日

賀屠孚駿采芹

喜官兵克復湖南

湖南告捷志喜

春耕

鷺脰湖同繆子天自

垂虹橋

胥江渡

碧浪湖

靈鷲

三竺

旌表曹太夫人建坊恭紀

李中丞過訪

臘八雪霽

立臘

賦得條風開獻節

盤梅

元旦即事

立春前二日

元宵後八日同人雅集聞蜀中捷音志喜二首

冬日同少宗伯楊爾茂富雲麓少司寇馮再來閣學

李湘北侍讀王五書集掌詹王子言齋頭

墨菊

庚申除夕

春燈

擬得明月讓燈光

壬戌燕九自會議處回談白雲觀事

上巳即席

集蘭亭叙字二首

育嬰會

賦得十客相逢九吳語

賦得君子有所思

賦得林深牕戶綠

萬柳堂

送金遜修之湯山幕

賦得麥穗人許長

楊花

新茶

卷十集字詩

聊城道中逢雨

魚頭集

九龍廟

次下相

河干阻風

送張摺伯還任城

淮陰釣臺

甘羅城

臨清增灣

流澌

過寶應

過皇華亭見流民有感

次維揚

長至

楊子橋

臘月朔日

三义口

天中塢

渡江

海棠二首

觀快船

煙雨樓

春蠶

循南卜居有贈

賦得幽懷不能寫

鶯聲

春月

登煙雨樓

新燕

長練交流

長水春帆

自由拳解維經白苧西循龍淵學繡抵陡門塘

濮川早發

賦得煮香蘆笋綠

新芥

漁人打網

京口曉渡

甓社湖

孟城晚眺

東海大松

七夕清口祀河神

立秋

隔岸梳燈

賦得秋日懸清光同王崑澄顧咸三浦副工侄恭俊

廷儀雲鴻兒庭珠凝園集字二首

目錄終

咏鸚鵡

中冷泉

平山堂

邵伯觀魚

觀瀑

候風

立秋前三日聞隣舟蟋蟀

泊駱馬湖

過嶧縣境

經緯堂詩集卷一

大閱恭紀

秀水杜

臻遇徐父著

車書一統治平年。典禮春蒐淑景天。仙仗曉從紫禁出。鑾

輿遠自翠微邊。平沙萬馬輝金勒。高幕千軍看玉鞭。鼓角

聲隨羽騎轉。旌旗色映柳絲妍。龍驤簇隊同羆虎。魚麗聯

鑣騁陌阡。已見干城雲作陣。重來上駟鐵連錢。是時

天子

親擐甲。此日親軍盡控弦。明月烏號翔鳳下。飛星赤兔

晾鷹前。兵威真足張皇國。雅宴重陳啟御筵。玉腕瓊漿

歌既醉。金盤珍膳味還鮮。恩沾薄海無疆頌。威遍遐方奕

葉傳。簪筆慙無黼黻技。詠歌常慶靖烽煙。

孟夏

駐蹕瀛臺應制

上苑春歸令序開。九成宮殿似蓬萊。綠楊夾岸旌旗轉。碧水迴橋翠輦來。雲吐奇峰依北闕。火流永日照西臺。五弦舜曲今重奏。解慍薰風樂未回。

奉和紀

賜蓮藕

帝念鹽梅寵賜嘉。蓬池仙種勝槐芽。同根久浥天家露。並蒂原開上苑花。子綴離離珠作實。絲聯片片玉無瑕。芙蓉闕下承恩日。爭頌清芬遍海涯。

蚤朝太和殿

鐘鳴長樂曉光催。紫闕沉沉旭日開。閶闔凌雲起

帝座。旌旗卷霧遶平臺。千官拜舞同鵠列。萬國趨陪似雁來。

幸覲

天威顏咫尺。衣冠常帶御香回。

秋雁

塞雁乘秋下夕曛。一聲嘹唳九天聞。橫霜遠度凌青靄。向日高騫寫白雲。客路江湖能自適。天涯兄弟樂同羣。比來鄉國音書少。千里憑君寄越濱。

己酉元旦蚤朝太和殿

賜宴諸王大臣及文武羣

工恭紀

首祚陽和歲紀回。鳴鸞萬國喜趨陪。朝天劍佩隨春至。傷日旌旗拂旦開。柏葉瓊漿仙掌賜。椒盤珍膳上方來。侍臣既醉歸東壁。猶見氤氳遶帝臺。

西苑侍從

別館風光瑞靄浮。皇家避暑此巡遊。瑤臺映水千門麗。
綵仗連雲萬木稠。騎遠前提來鳳輦。橋依隔岸渡龍舟。
上林常得翺翔日。不羨蓬壺有十洲。

送沈子相之任樂城

帝里喜故知。琴尊共晨夕。脂轄理征車。問君何所適。捧檄
向畿輔。去天纔咫尺。霜飛木葉黃。風清山月白。中原未息
兵。烝庶勞行役。百室嗟杼空。致治須長策。君抱命世才。九
霄摩健翮。慷慨濟時艱。磊落陳碩畫。錦江曾製錦。元元稱
安宅。桑下來馴雉。途間歌瑞麥。殘疆起瘡痍。撫字侔開闢。
君今涉滹沱。能事展夙昔。世人競紛華。我獨甘靜莫。乃知
仁者心。事事思裨益。饑寒切痼瘵。坐見登衽席。奏最應有

期佩聲遲左掖

秋日祖將軍園亭同李湘北陳說巖以秋水席邊多
為韻賦成五言古體五首

長安車馬喧。誰識林泉幽。將軍有名園。命駕尋勝遊。出郊
塵事屏。况當萬壑秋。艸木半黃落。展席臨清流。故里松菊
荒。對之足忘憂。

徙倚更安之。行行且至止。亭臺列參差。照耀華池水。古木
飽雪霜。聳榦雲霄裏。寒蟬兩三聲。日暮涼飈起。步屨自忘
歸。瀟灑遠泥滓。

鑑亭景更佳。竹徑饒奇石。代鰲名橋卧澄波。為渡遠來客。長
吟不覺苦。傾倒還浮白。芰荷幸未凋。清芬遠几席。借問路

傷人何如東山屐。

北上有高樓。遙接帝城邊。憑闌見寥廓。郊原多良田。城中
百萬家。宮闕五雲連。爽氣西山來。蒼然滿晴川。極目開懷
抱。臨風憶仲宣。

往日將軍暇。園林逸興多。清秋賓從滿。遊騎金盤陀。黃菊
爛東籬。飛觴時醉歌。邊隅今用兵。三徑蔓絲蘿。何時蕩妖
氛。無事頻相過。

上幸西苑賜宴羣臣泛舟賞新荷恭紀

令序薰風溥。昌期化日長。康衢成鼓腹。黼座正垂裳。道洽
羣生遂。時和百卉芳。宸遊仙苑啓。睿賞御筵張。宴賜
夔龍席。觴飛鸞鷲行。班聯看濟濟。劍佩聽鏘鏘。瑞靄龍樓

度。卿雲鷁首揚。滄池維錦纜。碧漢動牙樯。對酒承天澤。移
舟納夏涼。凌波浮水殿。隔岸駕虹梁。更見芙蓉秀。還看菡
萏香。朱英開玉沼。碧葉覆銀塘。並蒂迎朝旭。兼花見異祥。
亭亭輝月露。皎皎濯滄浪。清骨同冰壑。修柯綴綠房。無枝
純節著。不染素心彰。覽勝情何盡。承恩樂未央。羣工蒙
燕及。四海際平康。在鎬榮三接。成詩愧七襄。湛恩何以報。
拜手祝無疆。

出獵二首

霜落天威遠。時巡

帝輦來。前旌移雉尾。後騎騁龍媒。翠蓋承雲轉。雕弧引月開。
皇仁弘解網。諫獵未須裁。

典禮稽冬狩。關門擁翠華。三驅閑虎衛。萬馬合龍沙。去奏甘泉賦。歸看渭水車。從今昭聖武。邊塞息鳴笳。

太學集諸生演禮

艸野何曾見

至尊叔孫綿。叢布橋門。三呼百拜齊。鷄列預把朝儀。仔細論。率太學諸生午門領賞。

釋奠原為聖道尊。得承寵賚到君門。諸生好自思忠孝。莫負

天朝雨露恩。

上幸太學釋奠先師御彝倫堂命滿漢司成坐講周易乾卦尚書堯典賜宴并蟒服寶鈔有差恭紀。

聖王崇儒術。昌期重道時。樞星下鳳輦。泮壁轉龍旗。助祭羣侯集。觀光四氏隨。陳牲本法

祖獻帛為尊師。文教宣鐘鼓。馨香薦鼎彝。言申釋奠典。復肅執經儀。玉案牙籤啓。爐煙寶幄吹。天心講易見。

帝德頌書知。濟濟橋門列。皇皇綸綍垂。桓君善稽古。郭子愧歌詩。坐論叨隆理。趨承慶景期。南宮張雅宴。北闕沛恩施。雨露沾多士。聲名遍遠陲。辟雍今式化。千載頌皇禧。

視學後 賜宴禮部 賜蟒服午門恭紀

熙朝文教重。特典侍臣施。神鼎仙人膳。鮫綃帝女絲。鹽梅徒有志。黼黻愧無詞。稽古承恩賜。能忘夙夜思。

咏新燕

豈爲尋春勝。偏來二月天。雙棲思玳瑁。輕舉入雲煙。牖戶誠謀固。呢喃語自便。花期疑有約。飛舞樂年年。

送同年吳國對給假遷葬

錦袍乘傳發幽燕。恩到泉宮詔自天。負土重看封馬鬣。題碑新爲表瀧阡。彤庭計日臨軒待。驛路瞻雲出岫連。君去早思移孝訓。玉堂簪筆正需賢。

白鳥產江南六合縣

聖德周天產瑞禽。翩翩素羽自珠林。烏衣別有凌霜骨。雪質偏懷捧日心。棲向瓊枝全樹好。飛從瑤闕五雲深。一聲秋夜啼明月。願入簫韶和鳳音。南國奇鳥挺異祥。獨超凡俗自含章。欽容花萼堆殘雪。矯翼雲霄拂片霜。唐帝神雛欣再見。周王素羽足同翔。年年長向朝陽裏。反哺酬恩正未忘。

螺浮張給諫特恩召還夢得十年霜雪之句一時同志和者如林率就二律贈之

十年霜雪老黃門。思曼家聲今愈尊。卧內伏蒲天下計。殿前折檻直臣痕。江潭一去憐孤操。瑣闥仍還泣聖恩。憂國自來多諫剴。朝回無暇覓花村。

十年霜雪老黃門。抗疏原應動

至尊

鄭俠陳言堪繪像。賈生封事帶啼痕。九霄簪佩重來日。三楚謳思去後恩。多羨防河謀更切。不教農戶變漁村。冬夜同閣學富雲麓同官楊爾茂給諫王北山讀學

李湘北閣學陳說巖家孟侍講子靜餞別掌詹王
子言假歸省侍

寒風拂天聲怒號。河朔層冰積雪高。僕夫駛疾車馬稀。獨
有青宮學士行色豪。問君何爲欲東還。北堂鶴髮倚門勞。
堂前綵衣斑斕好。拜辭

帝閣遙向蓬萊島。蓬萊環列大海濱。養志承顏拾瑤艸。閒來
更著登山屐。披襟笑傲恣幽討。曾憶初入瀛洲時。三十五
人聯袂相追隨。秋月同遊玉署清。春朝却恐花韞遲。

先皇神聖第勤惰。視艸年年伏御墀。史職蒙恩由

今上。石渠窈窕復弘敞。分局校讐凌晨趨。多君健筆冰壺朗。
雙丸跳轉等閒過。二十年間似反掌。人生聚散固無常。追

思夙昔歎滄桑。對酒祇今七八人。那堪君又賦河梁。君才
儲端克妙選。寶卿正資輔導良。淥酒須盡不忍別。銅盤燒
燭夜未闌。回首當年歡會地。行行歸去莫相忘。

次寶坻先生歲况三首

凌雲彩筆羨騫騰。珠玉隨風豈易能。歲暮冰霜看欲盡。春
來花鳥又相仍。故園松竹思千里。綸閣篇章抵百朋。近喜
干戈方底定。太平樂事待張燈。

陰陽短景相催急。臘盡冰消春又來。風裏柳條連夜發。雪
中梅蕊對誰開。紫宸退食留封事。黃閣招賢有異才。爭道
吾家詩律細。每逢高唱許追陪。

冰雪三冬接地陰。風光轉眼見相尋。陽回天上烽煙息。春

到人間雨露深。干羽兩階籌國計。車書萬里救時心。豈無
守歲屠蘇酒。午夜沉吟只細斟。

燈節五首次寶坻先生韻

良宵三五競紛奢。曼衍魚龍出萬家。光照珠樓開寶扇。春
生火樹發銀花。行歌還接青牛駕。遊騎爭馳白鼻騮。夜半
崑崙應已破。開尊且自樂年華。

玉燭光騰綵色縵。星橋華月映仙臺。傳柑共看千門騎。撒
荔齊添萬壽杯。徹曉歌鐘連夜動。填街舞袖帶香回。同民
樂事今重見。消息無憂嶺上梅。

百枝燈樹欠花刪。爛熳呈輝霄漢間。絲掛千條堪作繭。綵
懸五色更移山。橋邊勝事爭聯袂。客裏佳辰好駐顏。此夕

欣將甘旨奉何須。世上問忙閒。

黃閣風和宿霧披。金吾弛禁漏聲遲。燈前誰賦陽春句。月
下羣推白雪詩。挿柳雨花誇麗景。踏歌酌酒慰離思。滄江
十載晨昏戀。京國今宵笑語時。

澹蕩春風滿太冲。蘭膏圍燭帝京同。南油齊泛紅塵裏。
西漆爭燒皓月中。乍見香車金屈膝。還來寶馬玉花驄。良
辰好奏昇平曲。授簡揮毫愧上公。

入直記注卽事

金壺永漏聽風吹。問夜如何鷄唱時。閤吏尚嫌啓鑰早。侍
臣已恐入朝遲。螭頭載筆星還燦。雉尾瞻天日未曦。
聖主宵衣勤政切。千秋青史頌芳規。

酬和張華平夫子寄懷原韻
春風五載隔關河。迢遞程門柰若何。泰岱雲生彌海甸。蓬萊月上到藤蘿。執經自切親函丈。簪筆徒慙直御坡。安石蒼生今共望。佇看車騎帝城過。

仲冬八日

上特賜漢講官八員貂裘并羊皮衣素全緞各一。今其自製以示優異恭紀二律

何幸宮衣得有名。豐貂特賜被恩榮。光同日耀隨風。輒煖比春溫著體輕。組織自天承主眷。裁成適意荷皇情。獨慙講幄徒無補。黼黻年年詠太平。解裘軫念頌皇仁。異數驚聞及侍臣。對雪盈裾飄淑氣。

乘寒滿袖起陽春。已深挾纊承恩重。更切披衣拜賜新。竊愧涓埃無以報。願將補袞答絲綸。

史館入直蒙

恩特遣中使

賜瓜一盤恭紀

西清炎夏喜趨陪。特賜嘉瓜異味來。狸首似從緱圃出。龍蹄原自御園栽。侍臣剖片千瓢細。中使傾盤五色堆。共帶青絲歸騎籠。銜恩解渴不須梅。

十二月初四日

頒賜鹿魚恭紀

萬邦底貢治平年。珍味遙頒自九天。紫纈仙羣遠作脯。斑衣水族好烹鮮。食苹愧列嘉賓後。在藻欣承聖澤偏。飽德敢忘勤夙夜。和羹有意寸心懸。

題乘槎圖

銀河森森落冰綃。灑翰還將博望招。萬里浮槎同咫尺。廣寒宮殿不知遙。

傳聞織女支機石。海客曾攜貫月行。今日仙槎堂上見。人間何事訪君平。

濟北古南池

南池潏沔任城邊。萬柳垂陰帶綠煙。多少昔人題咏處。殘碑獨許少陵篇。

漂母祠

荒祠縹緲映湖空。昔日王孫遇正窮。一飯塵埃能物色。漫誇蕭相識英雄。解衣曾念漢皇仁。雲夢何猜舊日臣。漂母一餐猶報德。淮陰不是負恩人。

漢家祿賜已千鐘。不與高皇賡大風。漂母一餐何足計。還宜立廟享蕭公。

道經淮揚大水

客路江淮裏。茫茫盡水濱。原田成澤國。農戶變漁人。樹浸波中月。舟行堤上津。流民應繪獻。旦暮望皇仁。

七夕

今夕云何夕。鵲橋銀漢間。針忙因巧競。織嬾為情關。新月臨妝鏡。殘荷映翠鬟。莫愁岐路遠。歲歲見重還。

宿東瑤禪院

寂寞深林裏。禪清客喜過。虬龍老檜柏。綺錦漫藤蘿。入座

塵心少。連宵旅夢多。數年薄宦意。今日且婆娑。

述懷

珥筆金門裏。垂紳玉殿前。丹心思捧日。赤膽欲擎天。病恨相如久。才多遵素傳。興懷頻不寐。建策是何年。

謁帝在宮門。雙親蒙問存。作忠全子職。移孝感君恩。鐘鼎千秋事。書思天下論。高堂今皓首。養志豈田園。

題何庵羅漢松

高閣青松古。超然遠世塵。風來晴乍雨。雪覆臘還春。翠蓋生苔蘚。虬枝動甲鱗。金仙如有待。化作法王輪。

中元哭先祖母

予養疴禾中。自夏徂秋。未能返棹。撫景興懷。不無霜露之感。荏苒三時。愴然泣下。聊誌短章。以當痛哭云。

大母儀容尚不忘。芙蓉寂寞冷秋妝。即今不敢言歸棹。恐拜空幃易斷腸。

冰霜凜凜歷多年。環珮翩然向九泉。縱使恩旌能不朽。何如菽水進堂前。

猿聲淒切嘯空山。王母西遊久不還。却恐雙親悲過慟。牽衣強拭淚痕斑。

詠飛青禪院梅花贈上人。品如二首

寒梅一夜發枝頭。玉質冰心孰與儔。客到不知花滿院。香風先已送高樓。

梵宇深深曙色新。庭梅幾樹報芳辰。花開不待陽和遍。老幹能先天下春。

登吳山曠然樓

樓在山頂面江背湖東南大觀

直上層巒寶閣崇。峯巖千仞接蒼穹。遙臨江海浮天外。俯
瞰湖山落鏡中。爽氣橫空依曉月。潮聲入座壯秋風。我來
捲幔雲山近。煙樹重重一望同。

胥山聳峙入氤氲。高閣登臨迥不羣。星近斗牛烟外出。地
連吳越望中分。海門夜湧當牕出。天目朝看隔嶺雲。何處
漁歌來響答。一聲短棹九霄聞。

全宋臬憲王子荆林鐵崖曹秋嶽勞書升遊汪園

扁舟偕勝侶。緩步上幽亭。徑曲籬爲障。雲深石作屏。華池
映艸綠。朱檻出山青。還喜碁聲好。丁丁酒易醒。

全權使高鏡亭遊楊氏園亭觀梅

高君相國之文孫。家風奕葉器宇存。渥洼汗血霜蹄駿。清
襟雅量白玉溫。幾年度支借前箸。朔雲飛雪動行軒。行軒
駐節到錢塘。舟車算緡靜不喧。暇日招攜赴良會。春光別
墅開名園。園中梅蕊正初放。花枝照眼斜陽暄。綽約美人
邀月下。孤標高士卧山村。點點含香同雪積。垂垂欲發頻
風翻。更張綺席奏絲竹。容閒亭畔倒芳樽。青巒翠巘當檻
外。泉流渾渾聲潺湲。感君意氣真磊落。對酒殷勤頻命酌。
何遜揚州逸興多。官梅不異臨東閣。才薄題詩愧健筆。廣
平詞賦今寂寞。聊吟短句慰知音。氤氲香氣猶如昨。

晚晴

雨餘客路少行塵。百道風帆過水津。濃淡山光雲漏日。青

紅樹色夏留春

誰將萬丈好輕綃。淺色穠姿細筆描。却似化工深有意。雲暉日影寫天遙。

辛亥元旦早朝太和殿 賜宴百官恭紀

天正陽和徧皇州。雨露新開元具禮。日肇祚應乾辰閭闔。九重啓車書一統。陳皇皇鳴玉佩。濟濟列朝紳。樂奏乘雲曲。歌來絕塞人。龍旂揚綵仗。鸞輅駕朱輪。王會圖堪繪。君臨道莫倫。椒觴稱萬壽。桃梗頌千春。帝澤江河潤。皇仁化育均。履端今獻歲。欣覩體陶鈞。

送高平田夫子簡任兩浙巡撫

聖主疇咨切。巖疆畀重臣。舉朝榮特簡。全浙拜恩綸。自昔膺

天眷。羣推秉國鈞。細旃承啓沃。廣廈備諮詢。鳳閣揮毫曉。螭頭視草頻。講筵資納誨。淮甸借行巡。握算謨猷著。維屏節鉞新。福星臨越嶠。紫氣接江瀕。表率風裁峻。旬宣德意真。門前常立雪。宇下更生春。侯服歌韓范。王家賴甫申。金甌知待卜。勲業軼平津。

送張夫子督學入閩

燕國家聲遠。曲江世德傳。雄才空冀北。間氣應星躔。棠蔭胥村月。琴清汾水泉。廟堂資握算。蔀屋仰仔肩。已慰蒼生望。寧教多士懸。帝心真簡在。雅化荷陶甄。紫照金臺上。丹輪閩海邊。皇華春日麗。憲節野花妍。絕足風雲際。持衡冰雪前。九重看報最。三殿奏徵賢。樗質叨恩久。程門沾澤

偏臨岐依絳帳。願賦倬雲篇。

贈同年吳耕方

世濟家聲久。師資國器傳。人倫尊奕葉。道誼貫羣賢。序有
貽謀簡。雍存燕翼編。維新開典則。由舊發蹄筌。左史蘭臺
筆。延陵泉石篇。拔尤人駿起。遵渚袞衣旋。憶昔臨軒日。恭
同射策年。不勞試鎖院。特與選青錢。釋褐春江宴。登瀛藜
杖燃。風雲千載會。霄漢一心懸。絳帳聯中秘。花枝共五磚。
如何分手去。頓使索居憐。大器逢時晚。長才歷試全。台階
遲遠到。璧水暫留連。四代惟攻木。三王重祭川。方移公冶
孝。仍講翠華筵。良佐司成慕。作人
聖主宣。趨朝楓有赤。招隱桂猶妍。元凱曾迂步。韋成亦左遷。

飛翔真有待。矯翮自冲天。

上躬耕藉田侍直恭紀

東作農功始。南郊帝藉先。靈場陳俎豆。法駕動旌旃。
祭致勾芒肅。儀隆后稷虔。迎神祈景祐。報本祝豐年。羽建
青壇上。雲開翠幙邊。羣僚春服盛。元老珥貂聯。萬舞鳴金
奏。三推舉玉鞭。和風來邇陌。沃壤接平阡。秉耒織埃淨。揚
旗彩色鮮。種原種稑貴。事以樂歌傳。宗翰從耕遍。公卿播
殖連。登臺盈瑞靄。望遠見葱芊。稼穡躬親重。染盛供祀專。
馨香聞祖廟。膏雨潤公田。行見倉箱滿。咸資愷澤宣。九州
同大有。處處萬家煙。

萬壽節羣臣行慶賀禮恭紀

帝德乾行健。皇圖景運昌。赤光符啓瑞。紫氣叶徵祥。御曆
星周紀。凝暉春載陽。嵩呼齊獻壽。華祝共稱觴。桃實登瑤
圃。鶯聲遶建章。笙鏞仙仗樂。劍佩御爐香。煙接黃雲蓋。恩
沾丹露漿。普天欣道泰。率土樂時康。令節千年永。丕基萬
禩長。小臣叨侍從。殊遇玷班行。祇願同堯舜。還期邁禹湯。
南山敢作頌。拜手祝無疆。

九日過孫北海先生齋頭全顧寧人同年張翰臣同

館衛爾錫留飲

長安車馬喧馳逐。我欲尋幽訪深谷。却為塵心擾百端。煙
霞空鎖東籬菊。攝衣進登先生堂。左圖右史滿書屋。大義
重開魯壁經。微言著述勤汗竹。眼前景物任悠悠。孔顏樂

處自能求。深山閉戶人不識。著書得意真忘憂。茂先博物
未為奇。左相弘通安足儔。頓令茅塞開胸臆。坐覺風清遠
俗流。更見室奧垂遺像。紫陽衣冠儼在上。千秋紹述有先
生。吾徒何幸同瞻仰。把酒登臺日色曛。臨風長嘯聊歡賞。
長安此日多高會。試問幾家展書幌。

送陳憲生南還次寶坻中堂韻

琴尊客裏竟忘年。折柳寧堪到眼前。舟楫橫堂還過魯。關
山月落憶遊燕。名流高價黃金築。相國離懷白雪篇。何事
鄉心歸夢繞。布帆無恙自依然。

送屠昭仲南還却酬和原韻

京華問字未經年。忽憶尊鱸遂着鞭。獨宦三秋思寂寞。同

歸二妙喜聯翩。揮毫雅擅凌雲手。治產從無負郭田。我亦
高堂懷白髮。羨君早泛五湖船。

賀熊青嶽特簡端揆

君不見。昔日軒皇側席時。大風去垢來帝師。又不見。殷宗
恭默思賢佐。丹青審象霖雨隨。盛事何人千載後。明良喜
起今重覲。白麻曉漏下楓宸。新恩特簡同耆舊。耆舊同
登。主眷殷。早歲聲名冠五雲。焚香清夜凜幽獨。先生抱
道自超羣。當年敢諫寧愛死。直聲輝赫盈人耳。中流砥柱
廻狂瀾。折檻伏蒲未足齒。朝朝講幄侍彤闈。天人絕學
辨危微。橐筆還兼左右史。溫樹不言知者希。斯文領袖真
華國。大雅起衰見典則。桃李春風入座多。瀛門自此增顏

色。訐謨夙昔裕經綸。夾日擎天此際新。額手歡呼傳衛士。
彈冠相慶屬朝紳。

聖主宵衣思治切。安危須仗濟時傑。九重渙汗寄股肱。四海
蒼生資喉舌。調元贊化泰階平。燮理上法三光明。坐消金
甲邊塵息。男耕女桑永不驚。賡歌一德同魚水。黑頭公輔
誰能似。致君堯舜會昌期。竚看鴻猷垂青史。

奉和寶坻相公寄懷陳獻生原韻

追歡思夙昔。京國共披襟。自作河梁別。翻同谷口深。茅齋
無俗物。黃閣有知心。千里尊羹美。秋風爾獨尋。

賦得威鳳篇送柯岸初歸養

威鳳九苞羽。雖喑鳴朝陽。五采色軒翥。梧垣比高岡。翩然

覽德輝。千仞更翱翔。霄漢有銀臺。卿雲爛生光。豈不念天
池。丹穴乃故鄉。烏鳥有私情。而况爲鳳凰。離離竹實好。銜
飛向高堂。堂前盈瑞靄。絢爛彩翮長。出則羽可儀。處則壽
而康。虞廷與岐山。盛世常相望。

輓忠愍公陳提督

當代推名將。陳公實偉人。虎頭形自異。猿臂藝如神。舞象
逢離亂。提戈衛老親。艱難全孝誼。鞠育保天倫。運泰謀猷
展。鷹揚志畧伸。六奇開蜀道。百戰靖邊塵。定鼎勳庸舊。鋤
克節鉞新。洮陽揮白羽。華馬斬黃巾。貔虎方安塞。旌旗正
控秦。如何半壁寄。忽報大星淪。來歙抽刀日。桓侯見表晨。
紫髯猶嚇敵。碧血未成堙。兒戲軍非似。威名賊所嗔。花鄉
留故馬。宋義失堅屯。鼓角愁雲夜。關山凍雪辰。榮恩光俎
豆。殊錫沛絲綸。數策還垂帛。輸忠竟致身。束蒲猶有氣。刻
首竟疑真。部曲招魂徧。同胞授鉞新。五原一長望。蕭瑟動
酸辛。

題辰六越生借書圖

越生牂牁來。人家稱書癖。家貧少蓄書。往往從人借。買舟
浮瀟湘。遠尋屈宋宅。南探禹穴奇。齊魯遍轍跡。昔歲到京
華。博物聲輝赫。壇廟柏森森。展卷娛晨夕。嶙峋鄴侯架。縱
橫摩詰策。百求必百應。擔囊無吝惜。好事爲之圖。圖書擬
東壁。秋花正爛熳。縹緲滿几席。抱書復抱甌。書酒還相易。
空庭煙霧收。恍聞出金石。意匠經營中。毫端見遠客。還笑

經緯堂詩集卷一
河間王。賞賚空金帛。更訝皇甫生。天威干咫尺。何如丹青裏。嗜古寫幽寂。

經緯堂詩集卷一終

男庭珠謹編

經緯堂詩集卷二

秀水杜
臻遇徐父著

扶櫬至張灣。登舟兼留別故鄉親友。
素幔出燕京。瞻依膝下情。思親悲雁度。問寢憶鷄鳴。枕簟存家語。舟帆動遠津。高秋添淚濕。炎夏久心驚。烏鳥迷棲翼。椿枝杳落英。報恩方積愧。送歿感多榮。一逝幽泉寂。仍餘香扇輕。東籬凋故迹。宿霧點牕盈。

經青縣

中山鶴唳瀑泉過。飛旒悲號柰若何。猶憶去年迎養日。揚舡此地泛清波。

夜泊興濟

興濟維舟夜。空濛皓月浮。煙波一望遠。塞雁幾聲秋。客夢
驚霜葉。歸程數驛樓。那堪叢菊淚。偏灑棘人愁。

滄州夜月

遠山疊翠銜落日。木門五壘艸蕭瑟。緣空明鏡霄漢懸。百
丈波光如練疋。孤舟夜傍清風樓。水天一色映長流。銀河
無雲滄溟潤。彷彿蓬壺接十洲。名園綠樹聳高閣。珠簾繡
幕憑寥廓。鬱葱還疑霜雪空。繞匝飛飛來烏鵲。城中煙火
滿萬家。絲管豪吟對月華。獨有砧聲中夜聽。征人淚濕長
嘆嗟。

泊磚河驛

一灣流水月明時。幾樹秋光夾岸垂。腸斷鷄鳴問寢夜。經

過驛路誦遺詩

薛家灣

吾行到薛窩。阡陌如綺錯。茅店十餘家。荒邨喧鳥雀。晴空
掛朱霞。風煙卷碧落。溯洄上清川。孤帆凌噴薄。俯睨數游
魚。遠眺來舞鶴。蒼然秋色暮。披襟自磅礴。劉子秀句多。高
懷寄丘壑。藉此共晨夕。長途慰寂寞。

泊頭行

樂陵海豐千樹棗。棗熟離離滿園好。採擷負販三百里。掉
舟絡繹泊頭道。泊頭水道走江淮。吳商楚賈走市街。紅如
丹砂黑點漆。購得萬斛連檣排。長年三老廢寢食。凌波冒
險無終極。農夫盡力耕南畝。豈若巨商趁倍息。吾聞火棗

重安期服之長生躋壽者。仙品不用持錢得。世人射利更奚爲。

步先大夫經劉摯故里元韻

莘老稱抗直。有聲元祐中。諫艸數千言。殿閣凜生風。朝貴爲側目。不與安石同。始知作聖基。教養自蒙童。一子不少縱。皆由庭訓功。觀州乃故里。令譽傳無窮。先人曾有感。落筆題詞雄。斯時承面命。奉職在南宮。自維教子疎。曩哲愧媿隆。揮涕誦遺集。卓哉道義崇。劉摯字莘老。見時父居正。何不加恤。居正曰。正以一子不可縱。及長。拜御史。章數十。累遷尚書僕射。東光其故里也。先大夫去冬。道經於此。曾。有古風一篇。及就養京邸。面諭臻曰。汝教子當以居正爲法。今扶觀而南。重歷此地。展卷三復。儼然如過庭時。耳提面命。義方之訓。情見乎詞。嗚呼。追思吾父。惓惓垂訓。後人

之意。能不潸然。墮淚乎。

阻風十五里口

昨夜涼飈發。寒塘滯客舟。飛揚凌健翮。震蕩起潛蚪。徹地紅塵捲。連天雪浪浮。故園歸夢繞。蕭瑟動悲秋。霜落三秋老。風高萬籟空。遙思漢帝猛。還憶楚王雄。歛翼悲棲鳥。征塵嘆轉蓬。石尤怒未息。坐待月明中。

過桑園

高岸天風下。征帆薄暮揚。二東分帶水。三輔接雲莊。寶閣凌霄赤。桑園掃葉黃。行行宮闕遠。北望淚沾裳。

泊夾馬營步先大夫韻

夾馬水盤渦。日暮停桂楫。啾啾棲鳥聲。恰似兒女囁。返照

來餘光。孤雲捲落葉。黃昏燈火滿船明。注誦遺編悲夢蝶。

武城道中逢先大夫生忌

客歲懸弧六旬六。鶴髮扁舟賦黃菊。大椿炎夏忽摧頽。孰

意古稀竟不足。乾寧道上陽春句。海涵地負富停蓄。茲來

武城形影孤。揮涕汎瀾憶仲叔。去秋先大夫誕日。道經興

莞爾堂

有假我數年。達夫伯叔之句。追思疇昔。淚洒行間。敬步原韻。以誌悲感云爾。

此地傳賢宰。尼山杖屨臨。一堂明授受。百室共謳吟。大道

原無外。休聲垂至今。空庭遺像在。喜色照青岑。

操刀推善割。異績聖門垂。寧以彈丸小。而教絃誦哀。莓苔

次渡口

生剝落。函丈見威儀。一笑千秋後。窮簷幾不悲。

蒼茫古渡暮雲低。新劖柳條萬束齊。借問居民何所事。為

上閘行

供修築運河隄。

連朝寒雨煙霧昏。洪流一瀉勢崩奔。累石塘高忽逼窄。怒

濤激湍爭一門。長年振柁遲未發。移舟中央避石根。撇漩

梢潰趨險急。百夫競挽金鼓喧。過半反覺溯流逆。浪濶噴

湧蛟龍吞奮力。羣呼氣更猛。轉繩架木走飛翻。須臾蕩漾

舟始出。雲霄鴻鵠空摩騫。絲管噉噪篙工歌。猶聞水落聲

潺湲。我今枕塊寧利涉。幾度過此驚心魂。濁河渾渾江流

次聊城并望傅相國故園有感

天文應危室。聊攝齊西鄙。樓高堪望嶽。臺古曾射矢。陵寢傳顛頊。茅土分微子。魯連巢父輩。高風真莫比。自昔稱名郡。聲華富朱紫。國初際風雲。傅相更崛起。

先帝

特達知契合同魚水。調燮起瘡痍。春風栽桃李。嘉謨屢入告。盛事傳青史。梁木早摧頽。淒涼空閭里。扁舟次津亭。寒流徒清駛。園林易主人。經營昧創始。故老常嘆息。當年親覲止。廢興三十年。風光反掌似。聽此良足悲。况為門下士。惆悵感夙昔。臨風思杖履。

駉北行

秋高塞外百草腓。風勁膠折蕃馬肥。乘黃照夜大宛種。噴

玉汗血何駉駉。款關職貢獻方物。遠涉沙漠來京畿。長鳴

閭闔騁雄姿。初受伏櫪銜馵轡。奚官廝養教攻駒。控縱如

組任指揮。邊隅有事誅殘孽。下詔驅策張天威。朝辭

冀北暮荆襄。雷轟電掣相追飛。分毛列隊無雜羣。五花雲

錦生光輝。方舟渡河驕且閑。踏空駕浪涼飈微。霜蹄蹀躞

輕峻坂。隅目青熒照鐵衣。騰驤胯下猛士力。磊落軍中大

將旂。洞庭江漢等平地。計日玉師定合圍。上駟三千同步

驟疾馳雪夜。應神機蜀道滇池。取次收捷書。萬里報彤

闡投戈解甲。風塵息海澨。山陬反側希。願驅華陽長不用。

三軍樂奏凱歌歸。

舟中逢先大夫百日之期秋霜滿目觸景生悲客

路淒其敬獻時食短章有作血淚徒滋生我恩深
百不及一耳

炎蒸淚血動哀號。瞬息秋風已自高。將母晨昏勤省侍。趨
庭詩禮憶劬勞。牙檣昔去搖銀管。丹旆今來駕雪濤。悵望
江鄉兩弟隔。聊憑鼎俎薦谿毛。

鄭家口食梨

張公大谷久稱奇。玉椀堆成冰雪姿。食旨不甘元自苦。何
思解渴啜哀梨。

柿船

霜天林下萬株紅。火傘高張直蔽空。何處赤虬曾落卵。滿
船光映碧波中。

阿井

濟水出王屋。厥性多急湍。伏見固不常。地脉多清泉。趵突
自嵌竇。支派千里連。澄泓踰方丈。此井蚤流傳。啓閉謹鎖
鑰。甃瓦壯雕闌。其深接海眼。其潔遠塵煙。汲取歲擘擘。烏
驟剝皮煎。膠成黑如漆。服之諸疾痊。乃知大藥資。造化鍾
愛偏。昔聞有葛洪。丹竈成神仙。瓊漿苦難得。鍊就我無緣。
何如此井水。流潤救普天。

咏桅燈

十丈牙檣錦浪平。高懸紅燭照初更。光搖合璧千層徹。風
動聯珠一片明。

挂劍臺

濁世翩翩足羽儀。死生不負素心期。千秋誰識徐君墓。一
劍猶存季子碑。夜月孤鴻啼獨樹。夕陽枯草起涼颼。論交
此道真如土。可似當年傾蓋時。

袁口寓目

冬月陂塘路。和風喜乍晴。牛羊忘隴陌。鷄犬識柴荆。樵擔
緣溪立。漁舟傍渡橫。遙看空外處。征雁幾行鳴。

開河道中觀農家收穫

十月霜寒候。田家蚤築場。作勞同婦子。刈獲慶倉箱。晚種
村村熟。新醪處處香。豐亨應率土。翹首望江鄉。

古南池

君不見。任城之南有南池。空明清徹堆琉璃。泉流浣碧蛟

龍伏。洞闢清華雲霧披。紅亭枕波小橋臥。光連海嶽爭崛
奇。又不見。謫仙酒樓跨滄旻。興酣落筆吐雄詞。少陵佳句
才傑立。晚涼森木傳豐碑。知章卓犖號狂客。嘉賓賢主聚
一時。逸興清襟更誰匹。寒風蕭蕭暮雨悲。當年遺跡今猶
在。令人憑眺長相思。

赤山

幾回經過想登臨。往哲芳蹤何處尋。犖确山根雲樹杪。豁
訝谷口洞巖深。

留侯墓

人傑今安在。荒丘乳遠峯。報韓曾破產。翼漢即攀龍。雄畧
傳黃石。高懷慕赤松。蕭蕭嶧陽路。猶見碧雲封。

渡駱馬湖

西北微風動。輕帆送舸船。山低渾作岸。水濶更粘天。鴛鷺迎朝日。蒹葭帶暮煙。馬湖平地渡。燈火照河邊。

下閘行

閘河蜿蜒水汪洋。閘口水高三尺強。橫絕斷木停蓄多。乍開魚鱗波瀾狂。小艇輕揚渾欲飛。凌虛御風天際翔。轉瞬直下幾里許。棹沒青蘋雲山蒼。大舟沉猫重百觔。熊蹲虎踞在中央。篙師放舟等發括。倒曳猶恐伏洄妨。歛如霜蹄馳峻坂。王良造父持鞭韁。矯如巨魚縱大壑。隨波浩蕩恣徜徉。近聞河渠正告瘁。瓠子崩圻煩廟堂。朝宗應見百谷歸。援筆載歌下閘行。

河決孫家蕩過淺停舟有作

南行涉大河。連宵次大相。渾渾來崑崙。奔注寒濤壯。凌晨過河口。舟滯不可放。傳聞夏秋間。靈潦壞堤防。高岸忽崩圯。洪流盡東嚮。萬井逐波臣。百室心悽愴。極目盡煙霄。瑣尾監門狀。故道反清淺。汀沙如列障。河臣大相度。巨費百萬兩。伐木兼積薪。版築當岨嶂。告竣未有期。規畫正新創。赴役動徐揚。董率勞官長。宣房及瓠子。伊昔功莫尚。銜命切痼瘵。任事在倜儻。何時奏安瀾。慰此黎元望。

澄泥硯

維舟傍河濱。爽氣來始旦。茅屋兩三家。結構依高岸。中有方外士。襟期頗汗漫。術工青囊秘。座右列清玩。世傳澄泥

硯什襲年無算。土質百鍊餘。未許俗眼看。張公最好古。拂拭動嗟歎。欣然來告我。云此勝珪瓚。寶器久塵埃。可以他物換。我信張公言。真賞良非誕。聯均能盡墨。多水波凌亂。疑是青銅姿。照席光粲爛。遇合固有時。得無神明扞。他年起草地。攜汝勤手腕。

白洋河二弟靜公全君韜二兄胡子蘭珮遠來迎。柩志感。

去歲茲晨賦載馳。老親送汝念違離。誰知客舍臨歧日。正是椿庭永訣期。急浪長河寒色淡。扁舟短棹朔風悲。天涯兄弟今相見。千里鄉心泣素帷。

露筋廟

貞女芳徽遠。荒祠鎖寂寥。窮途拋弱命。堅志淨終宵。香骨冰霜重。柔姿粉黛消。聚蚊甘獨寐。濺血絕私招。綺枕人還杳。星暉影更遙。蒹葭叢晚霧。鷗鷺浴寒潮。渺渺湖光接。青青松色饒。兩間存節烈。傳頌問漁樵。

贈維揚權使滕梅羹

京國才華哲匠能。文壇蚤歲藹騫騰。仙郎自昔題丹障。星使于今下廣陵。江上清風披宿霧。帆前淑氣解寒冰。阜財亦是吾儒事。平準書成第一稱。

錢塘晚泊

霖雨連旬倒石根。錢塘乍漲勢如吞。江流西下成三浙。海汐東來匯一門。越嶠晴雲開碧浪。宋宮荒草暗黃昏。清時

喜奏鯨波息。萬里朝宗拱。至尊

富春道中

孤客扁舟溯急湍。富春江上路漫漫。千家烟火山城峻。萬頃波濤水府寬。

過桐溪

桐溪蕞爾向江邊。城郭全無止市廛。兩岸清風千仞合。中流白浪一帆懸。

釣臺

先生高節寄垂綸。漢帝當時一故人。名掛客星齊日月。身依釣瀨出風塵。披裘寧讓巢由潔。加腹何如耿鄧親。憑眺荒臺尋隱跡。雲山百丈仰嶙峋。

古睦州即嚴州

睦州遙接婺州灘。百丈牽絲走石盤。雪瀑遠從碧澗落。青山高壓白雲端。

七里灘

放艇嚴陵瀨。溪迴見石根。千崖當午寂。萬壑下江喧。水遶蛟龍窟。雲封竹樹軒。躊躇遊子意。卜築願柴門。

觀音石閣

浮舟沿江干。小山勢如削。別自開洞天。石室侔禹鑿。凹凸成戶牖。豁訝起臺閣。中有大士像。儼然見綽約。曲徑延白光。危峯伸屈脚。不須伐松柏。何事勞丹艸。寰座四壁空。俯仰對冥寞。近聞象教家。碧殿爭綺錯。鬪角復鈎心。欄柱憑

經緯堂言集卷二
一
寥廓奔走祈福田。金錢傾囊橐。何如此閣上。咫尺羅丘壑。
行客屢徘徊。解衣足盤礴。

贈盛寓庸廣文永康

此日春江息鼓鼙。儒臣秉鐸重提攜。才名西浙流東浙。文教花溪接畫溪。經術還同湖下集。詩篇應向客中題。須知泉石幽深處。盡作公門桃李蹊。

題蘭譜

數莖和墨帶香清。九畹臨池拂素輕。幽意欲從紙背出。春風却向腕中生。

步先大夫登吳山原韻

鶴髮當年隱里門。閒吟不異浣花邨。書留仙室蛟龍動。淚

灑行間河漢翻。負米自悲將菽水。傳經竊恐誤金根。索居最是傷心處。猶憶丁寧勗冢孫。

登斗母閣次韻

攜手同行百尺樓。湖山縹緲望中收。七星臨戶通羣帝。千嶺當牕接十洲。澹蕩波光明鏡照。霏微煙樹畫圖浮。即今競渡看飛棹。指點憑軒會勝遊。

五林頭

禾。雲。中。分。一。水。迴。晴。光。半。是。夕。陽。開。參。差。山。色。添。濃。淡。欹。側。風。帆。任。去。來。

漫興

久客吳山坐翠微。薰風已教換征衣。莫愁行李嚴宵柝。却

喜輕舟載月歸。

學繡塢

學繡高高接繡溪。野花如錦水平堤。吳宮千載埋荒草。只有浮屠百尺齊。

蟋蟀

草蟲鳴不息。庭露夜方滋。肅殺含金氣。崢嶸感歲時。鷄翹同介羽。蟬翼似垂綏。赴敵終憐汝。雄心寄所思。

嘉名傳促織。聚族待秋吟。偏擾愁人夢。還驚嬾婦心。錦囊常帶甲。梅翅自開襟。莫伴平章樂。羈栖繡幕深。

題張匡九沙鷗割股療母傳後

君不見。張公二子人稱奇。一門純孝今所稀。往者高堂雙

白髮。阿翁無恙母病危。病危經旬氣將絕。長桑越人技莫施。二子默禱向神泣。割股取肉投鼎烹。跪進湯藥心良苦。兩手濡血母不知。須臾母甦病漸瘳。依然歡笑奏埴篴。嗟乎此事古無有。毀傷不免將奚辭。乃知至孝通神明。安惜肢體區區爲。殷勤傳語世間人。誠切救親寧依違。莫戀妻孥疎定省。漠然疾痛飽甘肥。

過金明寺酬答古燈上人

蘭若當陬維。青松蒼鼠窠。閒地萬籟空。明湖千壑漫。人寰隔喧卑。襟期任放誕。不謂在都市。而與塵埃判。緩步轉曲徑。叢篁挺修榦。危閣逼層霄。憑虛接星漢。歸鴻分決。皆落霞。隨捲幔。南川刈獲畢。阡陌平如案。鳧鷗鏡裏行。駢櫂天

末看倒懸浮屠影。霏微鶴洲岸。鴛鴦渺雲水。煙雨荒樓觀。
登眺動懷古。俯仰興長歎。卓犖鳴夔子。霸越展神算。功成
早知幾。扁舟五湖畔。荒祠僅數椽。歲久石碣斷。上人乃其
後。詞源真浩汗。杯茗接軟語。虛無化冰炭。袖中牟尼珠。文
采空門冠。何勞虎溪過。不羨山陽鍛。良覲幸有因。妙道本
一貫。豆子時雨熟。天機晨鐘喚。欲結支許交。往來忘櫛盥。
送徐六符廣文之任括蒼

孝穆多才華。家聲傳載記。寂寞千秋後。廣文繼能事。蚤歲
擅詞場。篝燈曾顛顛。酒翰煙雲飛。憂憂陳言棄。昌時歌鹿
革。森然毛骨異。文采照乘珠。豪健凌霄翅。材大難爲用。棘
圍幾顛躓。慷慨辭里門。遠客常顛顛。往者潢池弄。八閩妖

氛熾。君如松柏姿。歲寒挺蒼翠。賣卜學君平。道跡見大義。
險阻越間關。微服隱姓字。空村斷人煙。解饑持糗糒。歸來
慶再生。回想疑夢寐。穉子笑牽衣。鼓盆更拭淚。辛苦出賊
中。所親皆驚悸。當時同患人。蒙恩致高位。君獨卧丘園。
絕口終自秘。廿載得一官。苜蓿可君意。少微山色佳。首路
堪遊騎。星瀨波光明。漾舟足沉醉。荒僻有生徒。蕭疎淡名
利。君今渡浙江。臨歧聊揚解。知君冰霜操。不愧宮墻地。努
力慎前修。預養廊廟器。

贈兩浙臬臺王印周

景運生名哲。匡時重碩儒。九峯開卞壁。三泖產隋珠。早歲
聲華振。超羣頭角殊。烏衣傳舊巷。彩筆耀天衢。粉署含香

入仙郎列宿扶。羽儀多令譽。奏對有訐謨。宸眷河渠切。
才賢版築須。金隄無激浪。瓠子見平蕪。窮谷勞長策。中朝
仗壯圖。璽書申寵錫。憲節出皇都。浙水連千嶂。江藩控
五湖。占星空貫索。懸照靖萑苻。春色煦嘉肺。仁風徧柳蒲。
法雲深覆載。甘雨沛昭蘓。憶昔論交久。京華接膝俱。睽離
因索處。冠蓋望征途。何幸臨榆社。重來覲大巫。招邀傾鑿
落。顧盼促糴輸。朗鑒同秦鏡。冰心映玉壺。他年期報政。鈴
閣鎮東吳。

芙蓉石贈權使張麟圖

石在武林南權署中相傳宋高宗為太上皇時德壽宮內

苑之物署即其故址也隣岫磊何傑立池中每初日映照有芙蓉之色故名

錢塘潮汐春光融。權署牙旗照海東。亭臺參差引和風。中

有奇石凌蒼穹。鐵雲

石上有鐵雲二字

縹緲當虛空。朝霞初捲日

瞳矓影入池塘映水紅。清秋芙蓉花萼同。兀立高峰鬪玲

瓏削成側勢開鴻濛。相傳來自德壽宮。宋代園林布置工。

疑是禹鑿餘磨礧。直訝五丁闢蠶叢。當年臨幸翠華通。碧

殿朱樓煙霧籠。三千粉黛盡呼嵩。萬乘承歡孝養崇。羽葆

仙仗過崆峒。稱觴獻壽樂無窮。物換星移幾興廢。雕欄曲

檻忽草萊。陽臺雲雨空。鬢鬢只今惟有此石在。天使南

臨鳴劍珮。置酒前除聆磬效。嬌歌急管還分隊。懷古蒼茫

兩相對。徘徊石畔掃荒穢。攜手同行氣慷慨。靈鷲山巔剖

琢多礧礧。何如芙蓉之石天然真可愛。

贈儲憲蔣亮工

江藩千里滿飛鴻。使節瞻依望歲同。裕國並煩殷俗計。恤
災還仗濟時功。幾教稻米流脂白。坐見倉箱積朽紅。民力
知君應念切。東南此日仰仁風。
朝廷惻隱念民傷。則壤由來法最良。但使屯軍遵約束。敢
云編戶緩輸將。流離滿日常愁餒。水旱連年况苦荒。百萬
教倉仍舊積。江淮轉運自謀長。

贈督府李鄴園

譽望中朝峻。勛庸北斗高。青齊徵世澤。渤海毓人豪。壯志
傳題柱。公才協佩刀。紫巖初捧檄。丹筆舊濡毫。公曾任金
獻納名逾重。風霜法獨操。持籌膺簡命。裕國沛恩膏。公
任兩浙宸眷同心膂。鶯遷示勸褒。澄清開柏府。銜鑿領

銓曹總制仍司馬。中丞秉節旄。棠陰猶自昔。鈴閣且重勞。
蠟羽時方亟。狐狸忽肆嘯。三衢親組甲。百戰定神臯。士擁
貔貅衆。軍行虎豹韜。誓師嚴受律。推信結投醪。決策麾行
陣。前驅產賊壕。閩關消伏莽。浙水靖逋逃。禁旅旋雙闕。坤
維奠六鰲。煙塵無夜警。子女絕晨號。曳履還增秩。酬功有
賜袍。寧煩南顧慮。永此息波濤。

題周石松小照

別來不覺髣毛蒼。綠水灘前已十霜。今日吳山重話舊。儼
然對照兩周郎。

世上何人識蔡澤。人間猶是說唐生。知君早鑒風塵裏。汝
水無勞月旦評。石松以風鑒

次韻酬答楚黃孝廉張師石

長江三浙海茫茫。連山天目龍鳳翔。行人千里同客舍。正逢寒食柳初黃。經旬賦句弄鼠須。幾處載酒披襟當。張子一生頗嗜古。心期汗漫隨風光。首路重繭走間關。塵埃顛顛鬚。蒼驚人健筆。騁波瀾。辨眼小字晰微芒。龍門班掾早入室。少陵詩法久徜徉。惜哉盛名遭坎壈。豐城劍氣猶深藏。磊落羞向窮途泣。自言貧者士之常。洞庭九疑日月高。滄洲笑傲任清狂。石渠著書延英俊。抱璞未獻至尊傍。贈蹬終憐隔霄漢。賡歌何日紹虞唐。仍期努力慎前修。志在自足騰班行。緇衣之章吟咏切。邂逅能不九迴腸。別我吳山欲遠去。夕葵負米戀故鄉。寸草春暉我亦同。多子

門內皆琳琅。扶搖九萬六月息。祥鸞會看鳴朝陽。顛旭草書須更進。灘灘渾脫觀大娘。

野望

小麥纖纖大麥芒。豆花猶間菜花黃。老農修箔思成繭。少婦攜筐學采桑。

河干新月次韻

滄江千頃闊銀漢。一鈎懸落照餘光。接懷人此夕憐空明。垂練色點綴畫眉天。夜夜遲開鏡。升騰見復圓。

懷角里先生次韻

漢帝驚看望不輕。高賢遺跡逝波平。子房決策推人傑。還讓當年一老生。

煙雨樓懷古

千頃波中湧一拳。乾坤笑傲憶當年。青陽橋遠當簾外。在橋
 之滌湖西。白苧村深到檻邊。苧村煙雨為禾水氣浮空晴亦雨。
 林花照眼暖還煙。蒹葭此日經過處。憑眺荒丘幾繫船。

南湖競渡

天中臯月日正長。奪標躡柳徧江鄉。由拳麗景誇煙雨。琉
 璃千頃堆晶光。爭傳競渡繫空明。蕩漾龍舟雲水蒼。羽葆
 翠蓋樹紅旗。畫鼓按節分低昂。玉貌童子跨龍髯。飄飄仙
 骨神飛揚。來如蜿蜒朝羣帝。捷鱗掉尾鱗爪張。轉如風雨
 飛霹靂。電掣雷轟騰波狂。觀者如山嗟勝事。綵絲珠索泛
 蒲觴。湖上珠簾映曲檻。湖下錦纜動牙樁。綠管啁秋菰黍

列鳧鷺。啁啾菱苕香。靈符笑指插金釧。吹臺煖響舞霓裳。
 憶昔甌閩羽書至。人煙慘淡形倉皇。禾地連年罹水旱。老
 穉待哺啼饑荒。縱逢佳節薰風好。誰將翠釜浴蘭湯。乾坤
 坐嘯樓額有坐嘯空。荆杞蒹葭滿目鎖鴛鴦。海角今際煙
 塵息。烹鳧進酒慶時康。促膝交情長命結。披襟爽氣炎暑
 涼。却話消兵望歲稔。不覺迴舟已夕陽。何日危樓起碧漢。
 頃還舊觀得翺翔。

經緯堂詩集卷二終

男庭珠謹編

經緯堂詩集卷二

賦得青谿合冥漠次韻

秀水杜

臻遇徐父著

舟行青未了。百折愛清波。大地紅塵盡。彌天翠黛多。秦塘一眺望。練浦名塘數經過。芳草王孫意。明年更若何。

姑蘇懷古

驛道園亭裏。吳門往跡奇。鴟彝憐伍相。粉黛說西施。草沒新添翠。臺空古築基。潮聲聽自遠。月色照還疑。杯茗逢佳客。桑麻對好枝。回風胥渡渺。散暑洞庭宜。俯仰題箋翰。招攜載酒卮。高譚追夙昔。學步此奚辭。隔岸高燈次韻

水次懸燈夜。江船正好行。依星臨萬戶。伴月到三更。岸澗分輝遠。橋低落照平。雲霄如可接。極目片帆輕。

錫山道中添丁誌喜

呱泣初聞日。年華鬢已斑。人生敢恨晚。天道自知還。孤矢懸舟鷁。旗鈴下錫山。含飴應有喜。歸報慰慈顏。

贈京口楊大將軍

太尉家聲碩望遙。清時白羽重雲霄。樓船閩海曾催浪。玉帳江淮更射潮。北固旌旗高鐵甕。南徐鎖鑰壯金焦。冊勳還見封侯事。麟閣行看姓字標。

候風

馬湖水面百里非帆不行渡。湖北上者必候東風故云。

我來三宿馬湖頭。夢想神京悵久留。願告東皇將利涉。商

颺莫滯北行舟

發臺兒庄

望望江南山。行行兗東徑。連宵鼓大爐。百里只一瞬。朝來過平川。秋水明如鏡。空外掃雲翳。遙天列雁陣。木蘭蕩清波。碧落影相併。晶瑩照無低。洗洋心自淨。長笛吹數聲。旬然山谷應。兩岸多荒原。白露榛蕪盛。蒼生憂未已。極目念饑饉。誰將鄭俠圖。呼天爲請命。採風應有意。預備九重聽。

言懷

做裝事北征。林廬別茅齋。榜舟渡大江。涼颺溯清淮。觸目風景異。靈潦苦陰霾。新秋爽氣接。白日懸中街。遊子戀故

土孺慕悵曩懷。揮涕讀遺編。趨庭願已乖。翹首望帝京。梧
鳳聲喈喈。丹心等葵藿。獻可闔闔。排躬逢堯舜。主尚冀庶
尹諧何當靖妖氛。邊隅無虎豺。凱歌奏清宴。典禮告燔柴。
勞彼荷戈士。冊勳晉崇階。吏道遵舊章。官人俊又偕。下不
負所學。書思適吾儕。

大風碑

碑字係漢
蔡邕書

芒。碭。山。高。石。龍。從。上。有。雲。氣。護。飛。龍。秦。網。陵。燹。四。海。沸。大
蛇。中。斷。開。鴻。濛。風。塵。三。尺。掃。除。盡。車。書。萬。國。共。朝。宗。遊。子
故。鄉。思。正。切。淋。漓。宸。藻。題。詞。雄。憶。昔。霓。旌。下。豐。沛。枌。榆。父
老。爭。來。會。座。上。歌。兒。百。十。二。玉。簫。金。管。發。天。籟。歡。然。道。故
多。慷。慨。羽。林。磨。戛。蕩。青。靄。蠲。租。祗。爲。長。祥。地。復。豐。更。見。皇

恩。霈。八。分。書。法。推。中。郎。豐。碑。鐫。銘。字。昂。藏。鸞。飄。鳳。泊。蛟。螭。
結。長。劍。快。戟。苔。蘚。蒼。四。百。年。前。締。造。心。健。筆。鈎。出。垂。琳。瑯。
柏。梁。唱。和。矐。乎。後。爛。縵。卿。雲。追。虞。唐。我。今。經。過。問。大。澤。烟。
樹。微。茫。雲。月。白。只。有。荒。臺。遍。草。茅。斷。碣。纍。纍。橫。阡。陌。

望岱宗

五嶽崔巍岱獨尊。萬峰環峙比兒孫。未尋前代云亭禪。遙
見崇朝霧雨噴。翠靄望中迷日觀。晴空何處是天門。金泥
玉簡人誰在。漢柏秦松想尚存。杳杳山光連覆幬。巖巖氣
象斷攀援。白雲洞口埋雲壑。青帝祠邊渺帝閭。欲寄飛翰
窺造化。會凌絕頂傲乾坤。

過南旺展拜宋康惠公祠

緬昔洪武初。大河原武圻。泛濫入安山。漕道為阻隔。逮夫永樂年。海運生民感。廷議開會通。乃謀久長策。時惟康惠公。受命心切迫。苦無泉源注。厥土但沙礫。老人有白英。慷慨獻碩畫。云此南旺地。高阜是龍脊。湯湯汶水源。出自泰山腋。有泉七十餘。疏鑿通國脉。南北分兩流。飛輓可遠適。廟堂從其計。此河遂開闢。

興朝大一統

太倉陳陳積。百萬轉東南。漕河踵舊跡。永賴平成功。千秋雲月白。龍伯殿巍峩。石塘水清激。淒涼宋公祠。奉祀思遺澤。雲仍奕葉衰。明德箕裘惜。張國維先生有句。為明德護箕裘之貞珉傳不朽。歲久苔蘚碧。我來常再拜。俯仰嗟異績。望蜀山湖次。仲滌九韻。

明湖千頃水潺湲。南旺東臨見蜀山。乍訝錦江連汶上。還疑玉壘入齊關。波心宛在孤峯立。月色平分大海環。欲泛琉璃空有憶。幾時問棹翠微間。

衛河道中

曉出清淵道。征帆似建瓴。水交漳衛濁。山接岱宗青。野菓蘋婆熟。秋花桂子馨。臨流悲景物。彩筆憶椿庭。

莞爾堂

武城舊魯邑。絃歌留餘響。今入平原封。丹青見遺像。聖賢濟世懷。普天應共仰。東南兩武城。南武城今之嘉祥縣。係魯地。何必分土壤。此堂古制存。談笑留函丈。文學推游夏。夫子素心賞。况能操刀割。若然自無兩。惜哉止彈丸。未及宇宙廣。不負

夙所聞高賢固倜儻。一時契合情千載。見精爽得人。有子
羽襟期更可想。闕里羣賢輩。侍側廊廡故。堂有七十秋日
照荒城。泮壁流枯蔣。堂在學宮傍鳴琴後來者。莞爾徒神往。

衛河道中再賦次滌九原韻

繚曲渠流夾岍沙。鄉心異地感秋瓜。金風有意催蘭櫂。玉
露無聲滴蓼花。千里之京纔歷充。十旬作客竟如家。禾中
故舊應相憶。月下懷人透碧紗。

天津道中

津門迤邐直沽斜。日落川明對晚霞。碣石青峯回大海。瀛
洲紫氣拱皇家。商車舊有魚鹽利。秋色仍饒蘆荻花。舟
向潞陽波浪穩。喜憑來客問京華。

平蜀凱歌次高陽夫子韻

幾年螳臂阻蠶叢。此日王師劍外通。天討原因除猘獠。恩
波還慶及昆蟲。

貔貅百萬指天戈。劍閣連雲枕席過。失險如毛空蟻穴。輸
誠崩角息鯨波。

鐵騎長驅入蜀關。軍容徧布翠微間。神兵原自從天下。破
竹須臾過萬山。

大將承恩仗鉞行。簞壺父老食漿迎。望雲應滿黃牛峽。扶
杖重開白帝城。

昔年元惡委溝渠。丹詔今來使者車。殘孽支離重革面。前
旌已見受降書。

桓桓羆虎自神奇。長子師貞況帥師。洗甲錦江開。日月揮
戈玉壘建旌旗。

連檣戰艦下江油。全蜀版圖指掌收。將士西征勞。睿眷
賜貂還有錦纏頭。

赫濯聲靈我武揚。懸軍捲甲六師張。怒蛙已自沉蛙底。躍
馬還空牧馬坊。

聖主宵衣念蜀人。重登祚席令維新。從今耕鑿安田井。永
奠坤維峨與岷。

決勝由來仗廟謨。天南憑險已無瀘。碧鷄應繼西川獻。奕
葉金甌慶遠圖。

慈仁行和鄭名世

長安遊騎紛馳突。爲看慈仁百寶列。慈仁本是古招提。轍
跡未與塵埃絕。參天黛色挺貞松。殘碣蒼苔字明滅。碧瓦
朱欄煙霧橫。窈窕幽深梵放澈。不知何年作市場。喧闐遂
與清淨別。珍奇輻輳遍迴廊。庭臺到處生輝光。臺上何所
有。鐫錯璠璵七寶床。庭內何所設。紫帳琉璃翡翠張。廊下
何所見。蛟蝶麒麟間鷓鴣。更有牙籤纍纍千萬軸。標題舊
條名山藏。輞川之圖金粟影。真蹟摩詰與長康。墓田碑定
武榻。虞褚楷法多晉唐。桃竹枝。赤籐杖。紛披雜沓芝蘭香。
日南火浣于闐石。結綠懸黎如猪肪。大食寶刀疏勒帶。鮫
人明月紫羅囊。經過千人萬人愛。稱多量少不相貸。別有
豪華貴公子。不惜金錢歸滿載。往來熙攘車班班。昔時玩

賞今誰在。毘羅寶閣出人寰。中有大士垂慈顏。劫灰歷盡泥滓遠。天然色相誰躋攀。不寶金仙寶金玉。乃知俗眼誠愚頑。水晶域。紫竹巖。無人掃却名利關。谷口子真掉臂行遊於其間。浩歌心自閒。喚醒迷途有指南。

威鳳篇贈總憲魏環極

峩峩丹山穴。奕奕碧梧枝。儲精稟鶉火。含章通天維。出爲太平瑞。神鳥應昌期。朝食餐琅玕。夕飲臨玉池。覲止良不易。何當一來儀。恒嶽鍾靈秀。聖化際於斯。瀛洲試健翮。千仞覽德輝。翩躚整羽翰。朝陽固所宜。台鼎逼雲霄。聞鴟雛自知國華。從人望野無哀鴻。飛森森開栢府。驚鶩肅霜威。一鳴馴百鳥。再鳴潛臯鳩。閭闔生祥風。天衢坦且曩。載仁

復蹈信安用。稻梁爲鷹鷂。逐鳥雀至性莫可移。羣邪避正氣。而况威鳳姿。棲止傍阿閣。人寰隔喧卑。醴泉既以潔。竹實既以滋。九苞煥文明。光彩真紛披。五音協律呂。簫韶奏清時。亦有南溟鵬。扶搖渺難追。非無鴻鵠舉。迢迢千里思。何如翔紫庭。胥樂民恬熙。君臣同喜起。載頌卷阿詩。

題葡萄障子

綠葉紫英萬顆勻。輕霜初旭照龍鱗。不因漢使隨天馬。點點冰綃種自新。

貝丘南望影婆娑。

貝丘南有葡萄谷

添竹爭如粉墨和。馬乳盤中

堆不盡。晶珠架上採還多。

送高念東少司寇

予告歸里

先生拂衣不肯住。脂轄東歸尋煙樹。雪殘霜寒春信早。青
門祖帳雲陰暮。二疏少尹渺高縱。千載何人同指趣。超然
仿駕有先生。始嘆古今齊令譽。先生蚤歲步瀛洲。凌雲健
筆班揚儔。掌握絲綸。恩眷異出入。承明天獎優。堯舜君
民酬素志。孔顏樂處更何求。暨到田園歸去來。九重特
詔起蒿萊。嘉肺無冤空貫索。仁風徧布際春臺。方朔金門
本歲星。青蓮供奉謫仙才。拜辭閭闔初衣遂。高揖長往真
賢哉。咽漱元和餐玉屑。誅茅三徑棲岩穴。庭前萬里見歸
人。天倫至性固莫奪。世上富貴等浮雲。笑傲不厭青谿月。
徂徠坡陀泰岱高。孟諸浩蕩滄溟濶。左拍洪崖右浮丘。翔
翔自是有真訣。生也花磚忝後起。臨歧對酒情苑結。驪駒

初唱動行塵。野店鷄鳴聲清切。

辛酉上元次寶坻相公韻四首

太乙祠壇護

禁宸。長安市上歲華新。燈迎膏燭千家曉。

月照珠樓幾處春。探繭應先丞相第。踏歌重見太平民。遙
知邊徼烽煙靖。為祝年豐佳句頻。

良宵三五好風微。火樹星橋映月輝。滿路蛾兒紛合沓。當

樓寶扇競芳菲。金吾弛禁人同樂。銀箭停催夜未歸。還藉
相公調玉燭。頓教薄海息兵機。

天衢燈火月初橫。簫鼓聲喧滿

帝城。寶炬千門開閬苑。

虹橋百丈接寰瀛。歌從玉笛梅花落。爍入香塵蕙草生。此
夜江南得似否。臨風遙憶故園情。

皓魄當空對燭光。煙霄一色萬人家。望仙不羨開元事。遊
妓堪留衛玠車。玉漏停時觴正滿。青藜照處夜偏賒。何年
率土銷金甲。搖曳春風樂孔嘉。

送查王望之任九江和大司馬宛平王夫子原韻

梧垣廿載列朝班。諫艸風生霄漢間。馬向青門看使節。舟
從淶水過鄉關。流膏行接千尋瀑。樹德應連萬戶山。莫謂
皇恩此去遠。清卿虛左待君還。

王師奏凱喜初班。形勝原交吳楚間。三郡瘡痍應漸起。千
村疾苦自相關。重尋鹿洞開書院。好訪濂溪到碧山。暫借
才賢勞諫議。他年報政見珠還。獻納名高青瑣班。萊衣曾向水雲間。三年廬舍依宵夢。此

日天書出曉關。袖挹清風凌斗宿。車驅甘雨徧匡山。豫

章夜月如相憶。尺素南鴻任往還。

金臺話舊憶荆班。朔雪江雲去任間。幾度銜杯同客舍。那
堪折柳賦陽關。九英嶺畔沙連野。三笑亭前月滿山。京國
親知今漸少。早期劍履日邊還。

賀大司成同年王阮亭

大雅歸宗匠。斯文屬偉人。官因教胄重。地以執經親。虎觀
恩初被。金閨譽早振。琅琊雲作葉。沂泗道爲津。麗藻翻紅
藥。聲華達紫宸。筆飛才挺拔。氣吐句嶙峋。鮑謝休前輩。齊
梁迥後塵。詞源疑倒峽。詩律動如神。灑落真無敵。流傳總
絕倫。幾年光侍從。此際掌成均。聖主崇儒日。熙朝造士

辰疇咨勞夙夜。特簡賁絲綸。蒼玉升堂曉。朱衣入座春。園
橋霑化雨。立雪荷陶甄。頓覺風規肅。重將經義陳。菁莪看
蔚起。鐘鼓慶維新。自昔論交切。還來問字頻。揚鑣聯綺陌。
接席共芳茵。盧誕師資格。桓榮學業純。彈冠今有喜。華國
盡彬彬。

送少司寇馮再來歸葬赤城

皇帝廿載秋。流火屆七月。馮公事南征。拜手辭金闕。問何
理行艱。合防心苑結。抗疏預陳情。陟屺淚成血。惟昔母夫
人。深閨負奇節。早歲罹鞠凶。哀號幾欲絕。實爲撫藐孤。所
以忍存活。幃中呱呱聲。形單泣影隻。每遭強禦加。構釁誰
分說。母視死如飴。至性終莫奪。垂白有老姑。菽水供飲啜。

相向詠柏舟。懷清照冰雪。及公甫成人。祖慈訓倍切。口受
百家言。卓然繼前列。經營母十指。篝燈費無缺。柳母曾丸
熊。陶母亦截髮。劬勞慈母心。千載同一轍。兩世稟芳型。九
霄摩健翮。成此廊廟姿。羣儒推玉尺。筮仕抵瀾滄。遂捧毛
義檄。游子戀晨昏。板輿從遠役。甘毳波羅果。溫清桐花績。
昆州暨安州。迺鮒聲輝赫。孝理崇天朝。馳恩綸綍錫。重
以獎幽貞。棹楔橫虛碧。堂前介壽觴。報稱慰疇昔。彤管揚
其芳。丹青光典冊。豈意風塵起。歸途阻舟楫。依依故園思。
惆悵竟永訣。旅櫬寄遐荒。孤魂久慘感。王師掃氛埃。六
詔重開闢。靈輻下沉湘。扁舟中道發。全家獲再生。流水亦
嗚咽。當公歸朝時。百口寧足惜。險阻經備嘗。破涕爲歡悻。

乃知忠孝懷天意必默掖况復世守貞幽明誠不隔朝
廷鑒寸丹詔許歸東浙嵯峨香爐峯松楸封馬鬣瀧岡樹
新阡萬古歸同穴

康熙辛酉三月

上名扈從諸臣

賜觀湯泉應

制并序

臣聞水火者陰陽之精陽得質而陰得氣為涼為燄陰得
質而陽得氣為泉為湯則湯泉者實炎潤之相資為坎離
之既濟包含元氣保合太和由來尚矣遵化州北四十里
福泉之山湯泉出焉甃石為池方平如鑑不火而燠遇寒

而溫色白鉛溪泛珍珠而成串煙青銅浦注甘露以揚芬
噴薄則魚目虎鬚流膏則醴泉玉液蠲疴益壽厥功茂焉

皇上問安視膳既無間於

宮闈養志承顏更時深於巡幸以茲泉之潤可以致遐齡茲

土之宜可以適

聖體乃營別館特繕瑤池暄波迴遶於曲阿淑氣克周乎清
禁爰遊爰止攸宇攸寧洵尊養之獨至者矣且也山連昌
瑞地接

寢園冀北漁陽則神京之左輔焉石門蘭峪則

孝陵之近郊焉

皇上感霜露之淒清肅烝嘗于裸獻松楸在望經隧道以愴

懷弓劍當年。憶龍髯而雪涕。齊明盛服。沐浴華池。又孝思
之獨切者也。况制崇淳樸。境遠塵囂。不剪茅茨。仿唐堯之
儉德。無煩輪奐。儼夏禹之卑宮。豈比夫曲水昆明。侈陳宴
飲。華清興慶。徒事遊觀已哉。歲次重光。月臨姑洗。臣等恭
承嘉命。仰黍谷而生春。聽溫綸。挹恩波於在藻。徘徊清駛。
盥漱芳馨。濡毫乏庾信之文。授簡愧傅咸之句。不揣蕪陋。
莫罄揚揄。有詔賦詩。凡二十有二人。其辭云爾。
勝蹟開溫谷。名山匯福泉。坤輿畿輔拱。王氣寢園連。
溜煖春常住。波暄火似然。琉璃圍石甃。蛟蝶落金錢。鏡
澈空明月。珠浮淡汔淵。丹砂中蘊地。赤道上經天。難老宜
眉壽。長生駐幄佺。延齡功獨盛。濟物理仍全。

聖王晨昏切

慈闈定省專。有時移鳳輦。別館下雲旂。神女調香液。瑤階遶瑞
煙。鶯歌臨水處。花笑舞觴前。

帝孝真無極

皇情更自牽。瞻依

橋嶺近。悽愴玉衣懸。裛露懷松柏。惟馨肅豆籩。

宸遊非逸豫。孺慕幾迴旋。不改宮垣舊。還除粉繪妍。芳規誠
卓越。儉德永流傳。竊愧清班忝。俄承

睿旨宣。彈冠齊被濯。晞髮愛潺湲。快覩氤氳色。欣逢景慶年。

滇池安鼎沸。瘴海罷樓船。澤潤垂千葉。風和被八埏。湛恩
沾既渥。染翰效微涓。

康熙二十年七月二十一日

上駐蹕瀛臺 召滿漢大臣翰林科道及部郎五品以上官員各 頒彩幣

特賜筵宴宴畢仍

賜菱藕恭紀三十韻

帝德兼三統

皇威暢八荒。雕題咸納款。鑿齒盡來王。奮武軍容肅。揆文吏

道昌。蠲租先葭屋。伐叛掃欃槍。漲海鯨鯢息。滇池羆虎揚。

安邊頻奏凱。恭已荷垂裳。宵旰憂曾切。清寧物漸康。乘

輿臨別苑。仙蹕下朝陽。

天語蒙恩被。臣工早肅將。衣冠瞻日馭。劍履動鵷行。太液晴

波滿。瀛臺曉氣蒼。秋聲吹碧落。銀漢樹牙檣。棹發蘋蒲秀。

風來菡萏香。鳧鷖依密藻。亭榭映疎楊。宮錦頒中使。鮫綃

出上方。機絲真奪目。黼黻爛生光。拜舞擎偏重。趨陪感自

長。解衣恩既渥。推食寵逾彰。膾縷鸞刀細。駝峯翠釜

嘗。嘉肴分玉饌。鮮味勝河魴。燕鎬情何極。橫汾樂未央。笑

談通燕衍。酬勸倒壺觴。元老歌梧鳳。羣寮賦柏梁。環階飄

幕彩。入座繞蘭芳。林茂虹橋隱。霞明水殿涼。珍羞方飽德。

佳果又承筐。歸騎青絲籠。含醺紫陌翔。和羹推獻納。補袞

賴匡勳。佐憲慚明允。司刑祗悚惶。還期空貫索。仰睇五雲

孤山

西子湖頭見此山。北平道上憶鄉關。梅花處士寧寥落。應有高人自往還。

桃花寺

桃花山下桃花寺。不見桃花空遠思。何處漁郎可問津。空山寂寂鎖春意。

隨

駕恭謁

孝陵

昌瑞鍾神秀。

先皇舊寢園。層階森象設。廣殿靄雲屯。萬壑趨龍口。千崖會石門。虛廷儼禁藥。大麓繚周垣。隧道盤山曲。松風映旭暄。規

模應自遠。精爽實斯存。憶昔當開闢。羣黎荷德恩。光華懸日月。盪滌靜乾坤。健翮襄鴻業。亨衢啓帝閭。受言常止輦。策士每臨軒。布濩洪河潤。欣榮庶艸蕃。武威安率土。文教洽中原。紹述綿麻曆。謳歌奉

至尊朝

陵禮獨重。思孝誼尤敦。裸獻陳時食。馨香肅駿奔。龍髯紛雨泣。

春露感晨昏。竊愧樗材散。曾蒙

天語溫。鼎湖空想像。銀海絕攀援。嗚咽隨班列。哀號拭淚痕。

煮蒿回望處。猶復暗聲吞。

雜興八首步高陽夫子韻

風塵山寺靜。歲月松門古。磅礴坐移時。流光已卓午。

朝餐且葺食。時覓村中火。出岫雲無心。形骸忘爾我。
東連遼山左。西接漁陽路。此地傳形勝。曾經章亥步。
虎踞列千重。晴光送遠峯。莫愁山路寂。杏色點春容。
檻柱半天橫。城頭見危閣。睥睨枕崇岡。時有飛鳥落。
山下尋龍口。溪邊多虎跡。未吟猛虎行。時見攀龍客。
春雨過春山。登臨別有致。爽氣從朝來。峰峰如滴翠。
客帳結籬邊。春光酒十千。暫將野外興。偏側任郊田。

同梁蒼巖魏環溪朱右軍三先生暨同年王子言遊

雲鸞重興二寺

連鑣緩轡轉城隈。古寺空階滿綠苔。少憇何須登絕頂。晴
雲時向半山來。

孝陵

雲山北向似朝天。山麓平蕪帶柳煙。遙望龍門蒼翠處。
佳氣自年年。

石門巉岼迤海通。行客笑指度谿風。江南此時芳艸遍。冀
北纔見杏初紅。

雲鸞寺裏烏啼處。了髻山頭雨過時。却似春風留客住。夜
來催發萬花枝。

黃閣庄

扈蹕千官輦路長。朝來羽騎過漁陽。誰知野外青山色。遍
遶雲邊黃閣庄。

春氣氤氳動岸容。青青隴麥間花穠。村邊煙火連千帳。天
際雲霞接萬峰。

望盤山

盤山山勢何巔岼。高峯直插青雲端。上有輪囷離奇之古
 樹。鐵幹樛枝如龍蟠。下有飛雪懸布之清澗。噴薄百丈走
 驚湍。天門咫尺僅容臂。欲往從之攀援難。金沙涵明鏡。蕩
 瀾逐回灘。寶鐸振半空。春雨漲林巒。上方窈窕峻。闌干天
 風颯。颯長夏寒。少林幽深叢檀栾。石磴犖确路漫漫。舞劍
 臺前春露溥。衛公壯氣震三韓。石尉池傍仙人壇。雙峯遺
 跡真奇觀。側身遠望怯征鞍。翱翔絕頂振羽翰。何年到此
 飽霞餐。

贈弋陽令譚左羽

南湖戟第長新槐。駁歷從知天下才。小試春風花作縣。坐

籌清案鏡為臺。冰弦近帶江聲永。彩筆時分山雨來。攬轡
 正逢調玉琯。堯封千里曉雲開。

送汪舟次冊封琉球

玉節下彤廷。皇威暢八溟。驗風方受吏。度海答來庭。一
 統包殊俗。三垣出使星。中朝推作賦。外域重談經。飛舶長
 颺送。揚颿巨浪停。鰲睛懸日月。鯨鬣鼓雷霆。地接人煙白。
 天開島嶼青。焚香迎冊寶。望闕仰聲靈。荒服常修貢。高
 文許勒銘。乍逢新雨露。一洗舊兵刑。筐篚通天府。山川入
 御屏。攜來金葉表。偏解頌清寧。

次寶坻相公原韻

兩間佳氣澹氤氳。十載和羹有相君。宮草煙迷迎赤舄。御

爐香散近紅雲。同官周召心原合。一體君臣志不分。多少
謨謀頻入告。朝回那許外人聞。

斗柄曾將元氣斟。九重夙昔鑒清襟。御前仙醞偏分賜
殿上新詩許共論。報國榮懷原不淺。還家恩遇一何深。午

橋咫尺非難到。知有依依戀闕心。

早從雲路共翱翔。青瑣參差接佩光。不向令公聞咳吐。豈

知國老異尋常。東華並轡趨躡數。西掖隨肩笑語長。來日

安車催入覲。可能無意望金閭。

送王文饒之任石阡

鞭遙指萬山低。風吹組練龍泉遶。月照琵琶碧落齊。莫謂
吳鉤含笑拂雲霓。驛路花明試馬蹄。金筑喜看千帳靜。玉

天南人去遠。當年供奉有詩題。

送華聲出守廬州

尺五城南盡省郎。吾家棗萼藉輝光。祁公調鼎推元老。召
父齊名許季方。風送寒旌惟花正。煖雲迎飛蓋。雨初涼。紫芝

白鹿呈祥處。早有循聲入建章。

送少宗伯富雲麓 予假赴晉江

我有石交富宗伯。二十六霜如一日。忽焉分手事南征。今
我惆悵思夙昔。夙昔連鑣上玉堂。君年方壯氣軒昂。我亦

弱冠隨步武。三十五人同鵷行。磨丹漬墨探二酉。應詔

紛披書蚪斗。寒暄珥筆共馳驅。南苑雪飛西苑柳。講幄朝

朝侍玉墀。綸扉密勿更相隨。慷慨憂時陳大計。多君正

直無委蛇。南宮之職。佐典禮。寅清夙夜。心如水。步禱年豐。
不憚勞。薦壁陳珪。遍郊時。春前偶患。二豎侵。拜疏遠。辭雙
闕。深暫到。田園且休沐。舊好一去。誰知心。洛陽江頭。金粟
洞。扁舟此夕。依歸夢。秋風浙浙。吹征帆。蕭然襆被。兩三從。
寥落當年。十數人。對酒臨歧。款語頻。莫戀東山。竟高卧。還
望他日起商霖。

送大司寇魏環溪

予告歸蔚州

寒雲朔雪賦歸田。遙指鄉園紫塞邊。報國丹心籌遠策。還
家白髮理殘編。君恩曾賜金莖露。宸翰仍題玉版箋。
一德明良誠盛事。千秋青簡爲君傳。
先生素節凜秋霜。十載昌言幾拜颺。望擬臯夔真伯仲。才

輕管樂重行藏。卷阿共羨朝陽鳳。寒旭初開畫錦堂。此去
扶筇尋夙好。九宮山下且徜徉。

望蔚曾興故國思。臨邊往事使車遲。歸來霜鬢因封事。到
處雲山好杖藜。蘆子澄波環築舍。石門晴色照書帷。天章
送別恩暉遠。不老寒松雨露滋。

儀型吾道有光輝。接席寒暄願不違。一自老成今獨往。頓
教後起更誰依。履聲夢憶朝中聽。雁影愁看塞北飛。檢點
參苓長健步。蒲輪他日慰如饑。

經緯堂詩集卷三終

男庭珠謹編

經緯堂詩集卷四

秀水杜

臻遇徐父著

上因滇黔蕩平分遣部院諸臣告祭嶽瀆暨歷代陵寢先期

於禮部

頒發祭文香帛有差恭紀

時康熙二十一年二月十七日

妖氛蕩滌喜清澄。為告成功徧祀承。嶽瀆懷柔銷戰伐。皇
王契合頌咸登。官因典禮仍分使。誠薦馨香肅肇稱。從此
金甌真永固。神靈億載仰依憑。

廿一日出都奉

命往山西趙城滎河致祭女媧成湯二陵

封事經年待漏寒。今朝銜命跨征鞍。二陵精爽千秋在。
三晉雲山一路看。天闢奇功初煉石。日新盛德舊銘盤。臣

心夙夜嚴將享。殷禮先期結紫壇。

盧溝道中

疊翠燕山道。春雲帶日看。地形連涿鹿。水氣漲桑乾。回首千門遠。前驅萬里寬。瞻依葵藿志。夜夢向長安。

次涿鹿與少宗伯楊爾茂廷尉丞徐孟樞相對志喜

兼以語別

西征我獨往。二妙自南行。嶺海傳

皇命

時楊有南海之命

江藩拜使旌

時徐有禹陵之命

修文今議禮。戡亂已

銷兵。况是河東郡。由來晉水清。

涇陽驛

駐節涇陽地。經今十四年。昔來因抵汴。此去為平滇。祀典

崇三古。軍威暢八埏。皇華承

寵命。靡及幾迴旋。

堯母廟

在慶都城內

次辟間韻

惟昔陳鋒氏。誕帝垂芳名。至今慶都邑。古樹伴荒塋。母儀昭百代。俯仰動深情。巍峩廟貌肅。彷彿下雲輶。有時風雨夜。蕭瑟萬籟鳴。几筵香篆裏。神像在青冥。

次西樂驛和辟間韻

冠蓋紛馳此地偏。正逢寒食弄晴煙。喜看官柳千條密。却望旌旗一色連。舜日光華征騎裏。羲臺風景落霞邊。獨租况有明廷詔。畿輔征輸異往年。

自真定渡滹沱河次獲鹿

我從伏城來。積沙白於雪。東垣暫停驂。煙火萬家列。恒山
一都會。輻輳紛車轍。人瑞存典型。地靈產才傑。乃知燕趙
間。慷慨負奇節。郵亭且信宿。凌晨滹沱涉。滾滾自雁門。洪
流滙溟渤。麥飯尋芳踪。尚想堅冰列。渡頭人馬喧。欲濟爭
舟楫。舉鞭指南村。爛熳杏花發。村女競鞦韆。翻飛見羅襪。
春聲滿巖阿。園中鳴百舌。疊嶂西屏聳。鹿泉水清冽。方軌
限偏側。危徑穿一髮。慘澹淮陰祠。憑弔懷先哲。華山捲赤
幟。遺跡恍明滅。天下今一家。重關險弛設。駢駢晉中行。款
段可超越。

井陘道中

朝出土門西。始入井陘道。峯巒曲盤空。晴光開遠眺。町畦

隨高下。青青麥隴好。圭竇鑿高阜。戶牖罅隙照。雉堞枕崇
岡。泉源衣帶繞。潺湲明鏡裏。水清游魚少。石磧轉飛湍。不
勞人力搆。峩峩蒼巖山。巉岽插雲表。登陸車馬疲。巖關當
晉趙。神京之右臂。形勝由天造。

度固關

東偏井陘邑。孤城似彈丸。西行道彌險。怪石多巒岽。俯視
千澗落。仰睇萬峯攢。固關扼要衝。粉堞憑雲端。日光不到
地。陰雨山風寒。三月猶飛霰。過客衣裳單。紆迴迷往復。百
折青螺蟠。歌舞起樓臺。窈窕峻闌干。喜此太平民。荒村亦
聚看。我奉皇華使。寧憚行路難。

次柏井驛雨雪

柏井稱古驛。四辟風蕭蕭。同雲忽密布。紛沓素雪飄。高空削寒玉。羣峭摩天遙。山光照中夜。伏櫪馬嘶驕。古木變蒼翠。萬壑帶冰條。野寺晨鐘發。清聲震泐寥。披衣問僕夫。脂轄理征鑣。朗朗山上行。極目皆瓊瑤。

自平定至壽陽

驅車望臯落。平即樂人煙已山右。連山若屏障。大麓亘土阜。豈惟天險殊。實由地脈厚。積鐵蟠石根。頽垣疑杵臼。威遲洞壑深。時聞猛虎吼。紅泉遶其下。山腰雜花柳。東作農方殷。荷鋤向南畝。阡陌列層階。麥苗依培塿。八口之所需。常恐霖雨後。芹泉多陰寒。土徑絕林藪。牛羊畜牧蕃。城郭見馬首。壽陽縣即春邑咫尺晉陽天。征夫且進酒。

過太安驛

上已當春暮。鋒車早著鞭。山田高播種。土室暗炊煙。一徑穿雲出。千峰帶霧連。太安聊暫憇。粗糲飽郵傳。

次太原贈郡守李嵩齋

驛道接鳴謙。客子輶車發。至此艱險盡。始見原野豁。惟昔桐葉封。襟帶山河濶。汾水環其西。流膏溉阡陌。禹蹟嘗繫舟。石室篆文圻。籌邊見危樓。杖華柳溪關。百尺天門關。俯瞰雲樹碧。尹鐸趙氏臣。保障真碩畫。名郡稱股肱。帝心慎簡拔。省會况重寄。褰帷仗人傑。太守相門孫。下車痼瘵切。春日當晉陽。燠咻斯民活。耕食而鑿飲。作息有安宅。拜手慶得人。吏績光前哲。

抵徐溝

太原南去即徐溝。溝水連田春自流。黑子孤城如著面。花封十里似方丘。縣治週四

賈令驛和僻間韻兼贈邑侯楊訥庵

鬢拂征塵已暮霞。安仁滿縣見飛花。煮鹽瘠土連千井。播穀平田有萬家。白屋開時羣乳燕。綠陰深處亂啼鴉。祁奚故邑名仍舊。倦客臨風好試茶。

過郭有道阡次介休邑侯金子翔原韻

先生大雅宗。千秋物望繫。元禮實齊名。仙舟羨共濟。若人不可見。懷古空雪涕。惟時砥節行。角巾足儀世。孤鴻翔杳冥。累徵竟高逝。百川歸巨浪。浩蕩無涯際。我讀邑侯詩。垂

像深仰睇。墓門中郎書。長劍森遺碣。

介之推廟

之推不言祿。祿亦弗及焉。竊笑子犯輩。已力敢貪天。偕隱能如是。亦惟母氏賢。無意顯其身。名與日月懸。重耳有遺憾。志過封綿田。到今介山下。寒食斷炊煙。春滿彌牟邑。祠畔草芊芊。高踪渺難追。憑軾過山前。

靈石公署題紅拂三義祠步梁敷五先生原韻

靈石孤城一線通。官衙還在萬山中。參差土穴扶疎樹。屈曲溪流斷續風。野店至今傳粉黛。荒祠自古識英雄。清涼寺裏春仍煥。隔岸桃花照眼紅。

霍山歌時少宰張繡紫先生有告祭霍山之命

霍山高。鶯翅翻。飛凌九霄。掩歷山。吞姑射。三光吐。納倒影。
 飄歸鳥。在下愁。猿猱鬱岩堯。鎮中條。霍山盤。長蛇蜿蜒迴。
 層巒絡。洪洞包。趙霍平陽堯。封懷抱。看綿亘。河汾千里蟠。
 登陟難。路漫漫。霍山晴。秀色芙蓉斧。削成展雲屏。粘天青。
 祁岳鄭虔閣。筆驚嵩華恆。嶽並崢嶸。霍山陰。噴雲洩霧洞。
 壑深氣蕭森。暗松筠。有時膏澤徧。陽春布。獲冀方。作雨霖。
 霍山靈。貞觀開。泰白髮。迎歷代。廟祀薦。惟馨肇祀。有唐迄。
 元明我。

清興神依憑。殘孽掃盡功。嶙峋下
 詔旨。備全烝。答神貺。百祿膺。洋洋來格。彷彿老人。惟神保佑。
 皇家億萬斯。年日升而月恆。

臯陶廟次薛文清先生原韻

在洪洞縣南十五里

平陽自昔帝堯都。迴遶山川似畫圖。碧落郊煙迎日麗。丹
 青廟貌對春蕪。明刑弼教傳虞史。拜手昌言協聖謨。自愧
 雲曹承佐理。未能風動滿寰區。

過穆山

穆山原是古高粱。汾水橫流襟帶長。玉辮秋風排鴈字。甘
 泉春色雜花香。誰將仙掌擎明月。自有魚兒泛白洋。斷碣
 殘碑何處是。清源城外景茫茫。

龍門行

君不見。黃河之水自崑崙。火敦腦兒天上噴。積石出塞三
 千里。轉入中國經龍門。在昔洪荒未開闢。堯咨舜傲日月

昏浩浩滔天橫泛濫。下民失所暗聲吞。獨運神功有大禹。
斧斤疏鑿斷石根。兩崖對峙高千仞。波濤中湧勢崩奔。蛟
螭出沒窟宅改。魚龍變化北溟鯤。南抵華陰遂東注。朝宗
大海渺無痕。歸帆野渡秋林遠。汲浪桃花春日溫。飛閣憑
虛枕半臂。公輸遺跡今猶存。曲棧連雲削如甃。盤迴鳥道
愁攀援。鳴泉漱玉來穴乳。盛夏寒風凜不暄。南亭北面甚
孤迥。夜深月滿影倒翻。空谷驚雷響巨礮。峯巒欲動匝地
喧。倚漢層樓試長望。潼關彷彿見顏垣。煙村霧樹渺茫裏。
雍豫羣山何足論。歲時祠賽走男女。碧瓦參差禹廟尊。平
成天地誰之力。萬世猶思夏后恩。

滎河道中

禹門南下日曛曛。寶鼎汾陰此地雄。松柏湯陵暄夕照。旌
旗武帝冷秋風。帆飛野渡迎新柳。浪捲平沙沒故宮。汾陰
祠因河水衝決舊蹟無存遙見函關秦百二。河邊策騎問漁翁。汾陰
后土

次北解

邠陽形勝地。秦晉此咽喉。表裏山河壯。經過雲樹浮。晴峯
連玉女。霸跡斷龍溝。何日塵襟掃。春堤任紫騮。

沙河道中馬上口占

山頭旭影迎征騎。雪後晴光照使旌。努力前驅頻計日。只
因海畔早春耕。

同李中丞登家山嶺望海

為覽雷西勝。中丞共使車。家山名山開宿霧。海道接流沙。名河

抵掌籌邊切。披圖對景賒。還期荒野外。編戶盡桑麻。

出雷州東門閱白鴿寨雙湖砲臺

曉發雷東道。清時氛祲消。樓船白鴿近。鎖鑰錦囊遙。孤墪
凌城堞。雙溪帶海潮。耕耘春正好。生計及漁樵。

防城道中

防城人不到。僻在萬山西。桐柱分茅遠。漁洲返照低。荒村
交虎跡。叢木亂猿啼。渡海波濤潤。歸帆路欲迷。

珠池

珠還稱合浦。詔采自何年。中使空城在。平江故老傳。鮫人
今不見。蜃氣夜常懸。聖王寧為寶。恩波到海邊。

登廉州八字山砲臺

乾體天涯接。坤輿海角開。驅車先出郭。策馬共登臺。沙岸
洪濤落。山雲細雨來。封疆重臣在。籌畫幾徘徊。

龍門

右臂當全粵。龍門實上游。潮連交趾漲。島擁大觀浮。大觀港在
欽殘孽前車鑑。芑桑未雨謀。波平仍選將。億載固金甌。之
是間生是總制吳有添兵之請

限門

面海吳川邑。東南闢限門。麻斜分渡楫。遂溪界芷芎辨潮痕。
舊有帆樯泊。今餘壁壘存。焚香羣父老。耕鑿荷君恩。

電白登白蕉墩觀海

聯鑣從北郭。遠逕到南溟。瀉瀉听哇白。浮鷗島嶼青。潮聲

天外落日影。浪中經神電。真吁駭光華。會百靈。

海壖雜興

分水分茅南粵間。鋒車未敢片時閒。經心海岸三千里。極目王光十萬山。

陟巘登舟蝨幾捫。晨炊午飯到黃昏。先過鳩口兼魚口。既看龍門復虎門。

皇華結駟正駢駢。一路雲山盡翠微。晴雨乍逢五管地。寒暄須備四時衣。

北津

金甲憑城險。南津對北津。山高雲有際。天濶水無垠。獨石浮青靄。雙魚躍紫鱗。哀鴻今漸集。喜見海陵春。

廣海衛

茫茫望廣海。鳥道且相尋。上下川成石。上下川島在參差島作金。大金小金在廣海衛東南地連都會重水接戶庭深廣海為省節制孫吳在。干城寄腹心。

憶昔

昔年負笈拜名師。蕭寺棲身借一枝。麥飯十方纔飽後。篝燈三鼓未眠時。詩書滿架寧辭拙。誹笑由人總若癡。朱紫莫忘貧士苦。此中惟有老僧知。謂長生庵金豫宗也

新會

濱海天南邑。衣冠盛物華。連山疑積石。帶水似浮槎。楚潤千村雨。香飄二月花。崖門忠烈地。憑眺動長嗟。

巨魚次吳制臺韻

海若靈長效。神魚不偶然。迎風畫舫下。昂首使旌前。波靜涵紅日。雲噴暗碧天。皇恩感水族。彩筆事須傳。

瓊山次吳制臺韻

國風傳十五。海外豈宜刪。卉木多鍾秀。人羣獨自頑。蠻煙時裹洞。瘴雨更連山。尚憶東坡棹。當年任往還。

香山澳

香山之南路。險熾層巒疊。嶂號熊羆濠。鏡直臨大海岸。蟠根一莖如仙芝。西洋道士識風水。梯航萬里居于斯。火燒水運經營憐。雕墻峻宇開通衢。堂高百尺尤突兀。丹青神像儼鬚眉。金碧熒煌五采合。珠簾繡柱圍蛟螭。風琴自鳴。

天籟發歌聲。鳴鳴彈朱絲。白頭老人髮垂耳。嬌童彩袖拂。米肌紅花滿座。延上客。青鳥銜桃杯。玻璃扶杖穿屐迎。道左稽首厥角語。喞喞自言慕義來。中夏。

天

天朝雨露真無私。世世沐浴聖人化。堅守臣節誓不移。我聞此言甚欣喜。攬轡停驟重慰之。如今宇宙歌清晏。男耕女織相熙熙。薄海內外無遠邇。同仁一視恩膏施。還歸寄語西洋國。百千萬禩作籓籬。

同閣學石總制吳登鷄母澳

鷄母孤峰上。潮聲早夜聞。海天空外遠。閩粵望中分。倚石圍青嶂。披襟對白雲。時清今息戰。保障意還勤。

同閣學石制臺吳肩輿上達濠最高峯

登臨思往日。穴蟻此逋逃。妖孽千樞合。將軍百戰勞。斷垣餘壁壘。遺碣長蓬蒿。喜見鯨波息。耕耘問桔槔。

謁昌黎祠次吳制臺韻

匹夫師百世。遺像在山隈。曾遣溪魚去。因燒佛骨來。炎蒸此地接。文教我公開。試問韓江上。歌思遍草萊。

虎門

羊城軍府壯。虎寨水聲吞。不有三門滙。焉知百谷尊。春波浮日月。南斗豁乾坤。設險金湯固。綢繆報國恩。

留別吳總制次原韻

節鉞巡行地。綏徠俗漸康。粵中齊向化。海外盡朝王。此日陽春脚。他年蔽芾棠。馳驅憑遠畧。晨夕意難忘。

握手難言別。臨歧路尚賒。曾經庾嶺雪。還看洛陽花。旌旆交分水。關山似錯牙。仁風真肆好。珍重佩詞華。

雜興

聖王恩波到海濱。窮寒今日際陽春。龍堆復見開農畝。蚤戶重來理釣緡。

廿載流離今再生。攀轅扶杖慶昇平。家家喜色沿村綵。處處歡呼動地聲。

南澳

影挿浮雲外。根蟠大海中。懸車除虎穴。建節靖龍宮。閩粵連形勝。漳潮作鎮雄。築壇初選將。犄角勢須同。

八尺門在銅山西北岸

路入千峰裏。門開八尺間。雲霄營連甲。社分四甲社近

獅象獅銅山外有接銅山。荷步在海邊耕農急。懸鐘山名與南

將士閒。簡書來萬里。閩嶠共躋攀。

廈門海島離海澄縣水面七十里

涉海路漫漫。憑風溯急湍。旌旗臨大將。靖海將軍此幕府駐此波浪沒

群奸此地向為海寇所據圭嶼中流湧。在海澄廈門之間金門戶外開。金門

東廈門北水天真一色。翹首衆星乾。

洛陽橋

零雨過溫陵。陰寒海氣蒸。蚶江在泉州府東南波浩淼。懶窟勢奔

騰在泉州北係海島賴有津梁渡。寧忘砥柱能。君謨祠宇在。利濟

至今稱。

楓亭驛

峯尾名山層城峻。竿頭寨名隔岸遙。山分沙格山在楓亭東南路水接

瀨溪橋橋在楓亭西北天馬寨名常無警。壺公山名在楓亭北靜不驚。楓亭

煙火寂。過客聽鳴鑣。

蒜嶺

蒜嶺鬱蒼蒼。憑高一望遙。江陰山在海中迷舊雨。海口寨名漲春

潮人向峯頭。轉雲從馬尾。飄田家農具足。處處插青苗。

鐘山在福清縣東北

古寺鐘山上。丹青碧落齊。四圍雲嶠合。一路鷓鴣啼。閩海

遙臨闊。君山即海壇俯瞰低。天空塵障掃。早已靖鯨鯢。

閩安鎮琉球進貢船常船于此有柔遠驛

廣石梅花外。羅星名水寨邊。漁燈還夜夜。貢舶自年年。白
犬風帆駛。烏龍衣帶連。東南瀕海地。蚌甲但耕田。

連江道中

鰲江開萬頃。鳥道復千盤。山對東西洛。東洛西洛在連江東北係海島波
分上下竿。上竿下竿亦係海島在連江縣東渡頭經海岸。託足到雲端。王
事懷靡及。寧辭行路難。

羅源道中

去去丹陽遠。名舖行行白堦高。邊防戍火寂。農事荷鋤勞。絕
澗迷煙樹。層巒倦羽毛。皇仁真不冒。窮壤被恩膏。

白石司

海闊渾連霧。山深總倚松。征衣凌燕雀。渡楫競魚龍。已脫

金墀險。還經白石重。勞人遑啟處。信宿卧雲封。

官嶺

官嶺高何極。紆迴石磴長。千崖翠靄接。萬壑白雲藏。險絕
窮飛走。虛無逼混茫。檀林棲勝處。俯睇但蒼蒼。旃檀林在福寧州城內棲勝院名

桐山營

日嶼閩山盡。蒲門浙水交。荒村齊播穀。戰艦罷鳴鐃。浩蕩
龜鼉窟。陰森翡翠巢。羣黎真徧德。結網且誅茅。

江上口占

白雲深處望鄉關。歷盡千山與萬山。願得西風航浙水。還
家早得拜慈顏。

多年夙夜五雲邊。定省晨昏意每懸。却喜皇華乘便道。瞻
依今始到堂前。

紅門踏歌十二首

二十餘年宵旰頻。春臺樂事且同民。萬家煙火從今盛。獻
歲燈光別樣新。

十里紅門輦道通。華顛野老盡呼嵩。宸遊祇是行時令。
田燭原因禱歲豐。

聯袂摩肩夾道重。車如流水馬如龍。虹橋綵仗雲中見。法
曲霓裳天際逢。

百戲繽紛向夕暉。香塵紫陌鬪芳菲。弄丸手應神珠轉。掣
電身隨駿足飛。

別館祥煙接帝城。蘭膏春夜慶昇平。光搖合璧千層艷。
風動聯珠一片明。

雲母屏前堆絳雪。水晶簾外遶紅霞。上林今夜春光好。不
待東風也放花。

春月當空正滿時。參差火樹間旌旗。星橋直接星河燦。玉
輦還同玉漏遲。

霜戈鐵騎列城隍。飛礮聲中奏凱回。却似火田勤伯益。猘
偷封豕盡成灰。

煙橫霧捲搖明月。電爍雷轟走夜珠。莫道塵寰驚俗眼。聲
光只恐廣寒無。

長安城外踏歌來。魚鑰金門永夜開。臣庶齊霑千日醉。

君王還進萬年杯

連宵奉

詔沐恩波

神鼎天漿百味和

宴樂曾傳魚藻詠

何如醕賜萬民多

干戈偃息開昌運

燈火熒煌照上闌

率土陽春調玉燭

年長對

紫微看

次韻奉和屠展馭之閩留別之作

屠子榜舟發梅里。寒雲朔雪連天起。跋履山川事北征。一聲剝啄故人喜。床頭斗酒且相勞。莫言客路今潦倒。當年總角共篝燈。磨丹漬墨冀有造。翩翩同學凌雲詞。揮毫笑傲鬪才思。三十年來似反掌。襟期夙昔宛吹箎。攜得詩文數十篇。云是青箱家學傳。吾師狂瀾稱砥柱。大雅之作獨

仔肩。郢中白雪真寡和。衡門泌水清譽播。手挹天漿拔鯨牙。春風絳帳曾目覩。有道自見源流長。長君落筆文洋洋。連枝更誇花萼好。伯仲競爽寧可量。他時明光看起艸。此日友于猶讓棗。挂劍臺前泣悲風。我客長安慙素抱。何幸接席自公餘。得親世好曩懷舒。別恨仍添閩江闊。茫然萬頃縱所如。

秋日全徐敬可家循南聖陶遊雙林寺

竟日車馬喧。今朝尋幽意。幸有同心人。出郊且聯轡。逶迤帝城東。女牆如展翅。河流遶其下。帶水見通惠。緬想守敬功。疏鑿良不易。輓輸自潞河。渠成萬世利。遠眺多清暉。黃落半蒼翠。行行陟陂陀。道傍開寶地。曲折過板橋。禪關入

境異庭內饒秋花。爛熳暢胸次。登臺瞰澄泓。餘香披荷芰。
雙樹凌碧霄。未審何年植。雨露長仙芝。秀色已呈瑞。杯茗
聞白業。俗耳驚妙義。飮餽羅園蔬。更嘗桑門嗜。宛然到虎
溪。風味了不二。却笑陶元亮。攜酒復何事。冠蓋京華中。步
屨實罕至。得從自公暇。此興偶然遂。僕夫理歸鞭。紅塵當
晚吹。熙攘征途者。馳驅果誰爲。按轡仍徐行。書懷聊暫記。
次韻和周管谷十二生肖詩

李斯未遇嘆倉鼠。食牛百里嘗險阻。大人虎變有其文。狡
兔三窟終何補。雲蒸龍會象萬千。蛇妖不作寧徒然。還學
馬蹄踐霜雪。羔羊素絲節乃全。沐猴而冠非法服。介鷄金
距安可畜。我慕太保戒旅獒。豕韋世德慙食肉。

訓子姪次周管谷二十八宿原韻

頭角貴早年。亢宗乃爲吉。大氏吾祖興。友房稱良弼。心期
握道要。尾生信之賊。妙理在箕疇。升斗豈汲汲。當從牛衣
兒。緇席易女色。無欲則靜虛。危行動如律。爾室真不愧。家
何憂壁立。奎光列曜開。婁敬輓輅入。擢胃傳秀句。應昂產
碩德。畢誠在禁中。鳳嘴未易識。毋玩醉後參。井養而不息。
落筆鬼神驚。檄文韓柳匹。星星見白髮。張皇其何及。燕翼
惟傳經。修軫宜努力。

十二宮辰詩

建極尊維皇。除惡必務本。滿假不自居。平地績乃顯。定亂
歌永清。執中垂謨典。破卵逐鴟鴞。危言真謇謇。成德慎厥

初收之桑榆鮮。開泰上下交。閉邪載陳善。

同陳虎文遊捧日亭

虞廷忝竊咨。垂命春日同遊捧日亭。翼瓦危樓苔半碧。龍鱗古木葉初青。聊攜茗椀嘗清味。暫拂塵襟寄靜聽。案牘相仍寧覺苦。肩隨喜有素心銘。

陪祀祈穀恭紀

啓蟄光風際上春。祈農典禮重郊禋。鑿輿初見青旗轉。煙燎還將蒼璧陳。萬舞雲門紛籥翟。千行劍佩肅儒紳。豐年應有歌秣黍。饗帝精誠屬聖人。

送許廉尹廷佐之任甘山

曉出春明道。青萍倚笑看。山花迎驛騎。邊月照征鞍。張掖

河流駛。居延海氣寒。封侯應萬里。行路莫辭難。

送口北道王人岳

有序

殿

工需材。蜀省應解楠杉等木。已經部議蠲免過半。所中選者尚有二千六百有奇。皆棟樑之具也。王公以分守

松威代

覲入奏。備言蜀道艱難。人民稀少。

詔旨一下。恐鳥獸散。

上為之惻然動念。全蜀之木。遂以報罷。其時王公已選口北

矣。舊部之民。惓惓如此。新政可知。且使蜀民殘喘得甦。意已厚矣。于其行也。詩以送之。

魚鳧千嶂間。蠶叢伐木丁。蜀道窮。爲有昌言陳。
聖主。仍師儉德。暢仁風。階前直氣。雲霄上。劍外殘黎。祗席中。
去後甘棠思不淺。還看紫塞集飛鴻。

瓶桃和色太僕

仙種誰攜得。瓷罌朶自勻。曾傳千歲實。還借一枝春。玉案
應添色。紅顏詎染塵。花溪分勺水。想見武陵人。

瓶桃飄落

墨硯翻紅雨。青燈卷絳雲。泥沙寧浪跡。顧盼尚餘芬。非爲
春風薄。疑因酒氣醺。華林一片色。送爾倍慇懃。

咏芍藥次色罔卿韻

資福南禪兩寺前。根移蘓氏故園邊。東坡昔日知花意。北

地今宵惱客眠。置驛不勞留守貢。具和曾入子虛篇。殘紅
狼藉隨春去。綽約姑山態可憐。

男庭珠謹編

經緯堂詩集卷四終

